

公

羊

義

疏

皇清經解續編卷千百九十九

南菁書院

公羊義疏十一

句容陳立卓人著

桓二年
盡三年

二年春王正月戊申宋督弑其君與夷及其大夫孔父疏

於此各本

有注云賢者不名故孔父稱字督未命之大夫故國氏之十
九字校勘記云疏本無此注與何義不合當是別家注疏鼠
入者解云考諸舊本悉無此注且與注違則知有者衍文也
按與注違者注云督不氏者起馮當國此云未命之大夫故
國氏之是與注違也按舊疏云此經之下亦有注云賢者不
名云云則舊疏本本無注明矣亦有者謂別本也後人又誤
以疏中所引刻入注耳正月戊申為月之八日史記注引服
虔云督戴公之孫左傳疏引世本云華父督宋戴公之孫好
父說之子杜云孔父嘉孔子六世祖史記注引家語孔子宋
微子之後宋襄公生弗父何弗父何生宋父周周生世子勝
勝生正考父考父生孔父嘉五世親盡別為公族姓孔氏孔
父生子木金父金父生畢夷畢夷生防叔畏華氏之逼而奔
魯故孔氏為魯人史記孔子世家曰防叔生伯夏伯夏生叔
梁紇紇生孔子左傳疏引世本云孔父嘉生木金父木金父

生祁父其子奔魯為防叔防叔生伯夏伯夏生叔梁紇叔梁紇生仲尼

及者何注以公夫人言及仲子微不得及君上下大夫言及

知君尊亦不得及臣故問之疏注以公至問之公夫人言

姜氏會齊侯于陽穀是也仲子微不得及君即隱元年天王使宰咺來歸惠公仲子之貽傳何以不言及仲子仲子微也

注云比夫人微故不得並及公是也上下大夫言及舊疏云哀六年夏齊國夏及高張來奔是國夏上下大夫高張下大夫

也今與夷與孔父君累也注累累從君而死齊人語也疏文說

尊臣卑言及故問之累也注累累從君而死齊人語也疏文說

答問云儻即及者何累也之累按說文人部儻相敗也南征賦注引作壞敗之兒寡婦賦注引作敗也無相字道德經傳

奕本儻儻兮其不足以無所歸釋文儻一本作儻敗也欺也西征賦曰窳位儻其隆替寡婦賦容貌儻以頓頰注引禮記

喪容儻儻義並同按如注義則累即連累之義不必迂回如儻之解也累蓋即繫之省說文系部繫綴得理也禮樂記繫

累平如貫珠由連綴引中為連累玉篇云累同繫是也注累累至語也通義云累者相連及於死之名讀若甫刑傳云大罪勿繫字本从三田今省之反離騷謂屈原為湘繫李奇注諸不以罪死曰累苟息仇牧皆是也穀梁傳以是知君

之累也亦謂其累從君而死彼疏引糜信云累者從也謂孔父先死虜公從後被弑范注亦云累謂從也義皆相近鹽鐵論訟賢云孔父累非督之難不可謂不義仇牧涉宋萬之禍不可謂不賢也 弑君多矣舍此無累

者乎曰有仇牧荀息皆累也疏仇牧事見莊十二年荀息事魯隱祭仲叔武孔父荀息仇牧吳季子公子目夷知忠臣之效按惟仇牧荀息書及故傳引之舍仇牧荀息

無累者乎曰有注叔仲惠伯是也疏注叔仲惠伯是也○叔見成十五年通義云謂經所不見者若左傳稱宋弑昭公蕩意諸死之即未得以累書於春秋類此蓋取有則此何以書賢也疏通義云加及者賢之欲著其因君而死若兩

名弑為何賢乎孔父注据叔仲惠伯不賢疏注据叔至不賢嫌矣云文公死子幼公子遂謂叔仲惠伯曰君幼如之何願與子

慮之叔仲惠伯曰吾子相之老夫抱之何幼君之有公子遂知其不可與謀退而殺叔仲惠伯弑子赤而立宣公彼注云殺叔仲惠伯不書者舉弑君為重叔仲惠伯事與荀息相類不得為累者有異也叔仲惠伯直先見殺爾不如荀息死之是公子遂直忌叔仲惠伯而殺惠伯非衛君而死故無賢文

公羊義疏十一

二

是以不書 **孔父** 可謂義形於色矣 **注** 以稱字見先君死 **疏** 繁

故据之也 **孔父** 義形於色而姦臣不敢容邪 **注** 以降至君

服制象云 **孔父** 義形於色而姦臣不敢容邪 **注** 以降至君

死 **穀梁** 傳 **孔父** 之先死何也 **督** 欲弑君而恐不立於是乎

先殺 **孔父** **孔父** 閑也何以知其先殺 **孔父** 也曰子既死 **孔父** 不

忍稱其名 **臣** 既死君不忍稱其名以是知君之累之也 **孔氏**

父字諡也 **齊氏** **召南** 考證云 **公羊** 賢 **孔父** 其義形於色 **柰何**

仇牧褒獎忠臣扶樹名教其義長於左氏 **其義形於色柰何**

疏 校勘記云 **唐石經** 諸本皆作 **柰何** 猶如何也 **書** 召誥曰曷

其柰何 **弗督** 將弑 **殤公** **孔父** 生而存則 **殤公** 不可得而弑也

敬是也 **督** 將弑 **殤公** **孔父** 生而存則 **殤公** 不可得而弑也

疏 校勘記云 **唐石經** 督作 **督** 五經文字云 **說文** 从目隸省从

日 **後漢書** **孔融** 傳論曰是以 **孔父** 正色不容弑虐之謀

故於是先攻 **孔父** 之家 **注** 大夫稱家父者字也 **禮** 臣死君字

之以君得字之知先攻 **孔父** 之家 **疏** **注** 大夫稱家 **大戴禮**

家而長百姓 **盧注** 家采邑 **周禮** 春官序官家宗人又夏官序

官家司馬 **注** 並謂家卿大夫采地 **孟子** 離婁篇皆曰天下國

家 **注** 家謂卿大夫之家也 **書** 臯陶夙夜浚明有家 **傳** 卿大夫

稱家 **禮記** 曲禮 **凡** 家造 **注** 大夫稱家 **舊疏** 云 **印定** 十二年 **孔**

子行乎季孫三月不違曰家不藏甲邑無百雉之城是也故
禮記大學有伐冰之家百乘之家皆謂大夫對士之畜馬乘
喪祭不用冰者言焉。注父者字也。儀禮士冠禮曰伯某
甫注甫字或作父禮記雜記上稱陽童某甫注甫某甫且字
也說文用部甫男子美稱也是父為甫之段借舊疏云殺梁
傳文齊氏召南考證云按今本穀梁作父字謚也後人每疑
於父字非謚字當是衍文觀於此疏可知穀梁本無謚字
也惠氏棟左傳補注云孔父孔子之先也傳云孔父嘉為司
馬是嘉名孔父字古人稱名字皆先字後名祭仲足是也鄭
有子孔名嘉說文曰孔从乙从子乙請子之鳥也乙至而得
子嘉美之也古人名嘉字子孔說文此訓蓋指宋鄭兩大夫
故先儒皆謂善孔父而書字杜輒為異說不可從也杜云孔
父稱名者內不能治其閭門外取怨於民身死而禍及其君
按左傳雖有督弑見孔父妻於路之事孔父身為宋卿何至不
依禮蔽面督弑君之志必非一朝一夕之故所以先宣言曰
司馬則然必非前年冬間甫萌奪妻之志次春即動于惡傳
明云先宣言曰則為華督誅鱗孔父明其杜預即以此二事
坐其罪狀無非為司馬昭賈充等留餘地耳即見妻于路一
事安知非劉欽等點鼠歆亦賊臣故於忠於其君者拈擊不
遺餘力焉。注禮臣至之家。禮記玉藻云士於君所言大
夫沒矣則稱諡若字名士注君所大夫存亦名士既不稱大
夫名或君亦不稱臣名也曲禮疏引異義公羊說臣子先死

君父猶名之孔子曰鯉也死是已死而稱名左氏說既歿稱
 字而不名桓二年宋督弑其君與夷及其大夫孔父先君死
 故稱其字穀梁同左氏說許慎謹案同左氏穀梁說以爲論
 語稱鯉也死時實未死假言死也鄭氏亦同左穀義以論語
 鯉也死有棺而無槨是實死未葬前也故鄭駁許氏云凡人
 於恩猶不然況賢聖乎按如此注則公羊家亦無臣子先死
 君猶名之未知異義所據當時傳習公羊者不惟邵公一人
 或別有公羊異說與又按左氏說與何氏同與今杜氏異必
 左傳先師鄭眾賈逵等所傳之精義故亦以孔父爲字也穀
 梁傳曰孔父先死其曰及何也書尊及卑春秋之義也明書
 及者春秋特筆彼亦道春秋通例也通義云春秋賢者不名
 仇牧荀息皆賢而名者許人臣者必使臣爲累於君之詞君
 前臣名其道然也獨孔父先死得申不名之義禮於君所言
 大夫殺則稱諡若字又因以稱字見先君死例其文而不系
 其
 實 錫公知孔父死已必死趨而救之皆死焉注趨走也傳道

此者明錫公知孔父賢而不能用故致此禍設使錫公不知
 孔父賢焉知孔父死已必死設使魯莊公不知季子賢焉知
 以病召之皆患安存之時則輕廢之急然後思之故常用不

免疏

注趨走也。說文走部趨走也。爾雅釋宮門外謂之趨。廣雅釋詁云行而張足曰趨。釋名釋姿容云疾行曰趨。

趨也。赴所至也。注傳道至此禍。禮記大學云見賢而不能舉，舉而不能先，命也。注命讀如慢，說苑尊賢云夫智不足

以見賢，無奈何矣。若智能見之而疑，不能決，猶豫不用而

大者死，小者傾亂，此甚可悲哀者也。注設使至不免。

莊三十二年傳：莊公病將死，以病召季子季子至，授之以國

政曰：寡人即不起，此病吾將焉致乎魯國。季子曰：般也，存君

何憂焉。云云是魯莊知季子賢事也。繁露精華云：故吾按春

秋而觀成敗，乃切捐捐於前世之興也。任賢臣者，國家之

興也。夫智不足以知賢，無可奈何矣。知之不能任，大者以死

亡，小者以亂危。其若是何耶。以莊公不知季子賢，耶安知病

將死，召而授以國政，以公為不知孔父賢，耶安知孔父死

己必死，趨而救之。二主知皆足以知賢，而不決不能任，故魯

莊以危宋，以弒使莊公早用季子而宋，素任孔父，當將

與鄰國豈直免弒哉。此吾所捐捐而悲者也。說苑尊賢又云

以宋，而救之者，是知其賢也。以魯，莊公不知季子之賢乎。安知

疾將死，召季子而授之國政，授之國政，是亦知其賢也。此二

君知能見賢而皆不能用，故宋，公以殺死魯莊公，以賊嗣

使宋，殤早任用孔父，魯莊素用季子，乃將靖鄰國而況自存

莊不知季友之賢授之政晚而亂俱與何孔父正色而立於義合明皆安存時不用急則思之無及也

朝則人莫敢過而致難於其君者孔父可謂義形於色矣注

內有其義而外形見於顏色孔子曰君子正其衣冠尊其瞻

視儼然人望而畏之是也重道義形於色者君子樂道人之

善言及者使上及其君若附大國以名通明當封為附庸不

絕其祀所以重社稷之臣也督不氏者起馮當國不舉馮弒

為重者穆公廢子而反國得正故為之諱也不得為讓者死

乃反之非所以全其讓意也疏繁露服制家云故文德為貴而威武為下此天下所以不

全也於春秋何以言之孔父義形於色而奸臣不敢容邪安

在勇猛必任武殺然後威是以君子所服為上矣故望之儼

然者亦已至哉又王道云孔父正色而立乎朝人莫過而致難乎其君此春秋之救文以質也又云仇牧孔父荀息之死節皆行正世之義守倦倦之心春秋嘉義氣焉故皆見之復正之謂也殺梁傅督欲弑君而恐不立先殺孔父孔父閔也

閑即爲君打禦人莫敢攷難之意焉廣韻難患也謂致君於
忠害也。注內有至之善。君子正其衣冠三語論語嘉曰
篇文樂道人之善季氏篇文儼釋文作嚴云木又作儼魏書
封軌傳作君子整其衣冠七經考文云古本道作導按何意
引論語自作道言也重言義形於色明君子樂言之善也
惟內有其義而外乃見諸顏色所以能威而不猛也。注言
及至臣也。校勘記云何云言及者以下九十九字當在經
下僖十一年疏可據宋鄂本亦誤浦云言及者三十三字當
在經下從僖十年疏校按此注舊在傳末何氏終言之也此
類注中甚多不得以僖十年疏引在經下便輕爲倒置又按
何注本有傳無經何注傳而不注經故知何焯浦錄皆誤會
也尊卑不相及以臣而上及其君同名爲弑明當爲附庸君
矣禮記王制注云附庸者以國事附於大國未能以其名通
也不能自通故附於大國以名通也孔父仇牧荀息社稷所
係當不絕祀與附庸等此春秋新義春秋之義大夫不得世
故當封爲附庸也。注督不至意也。舊疏云春秋之內當
國不氏者無知州吁之屬是也宋督實戴公之孫不言公孫
者正欲起其取國與馮也又云昭二十年傳云何賢平公子
喜時讓國也昭三十一年傳云何賢平叔術讓國也穆公之
傳不言讓國死乃反之非所以全其讓意也此經馮實宜當
國如齊無知衛州吁之例書宋馮因爲穆公諱故移其文於
督督馮一事督當國則馮當國見矣所謂微而顯也繁露玉

英云經曰宋督弑其君與夷傳言莊公馮殺之不可及於經何也曰非不可及於經其及之端眇不足以類鉤之故難知也傳曰臧孫許與晉卻克同時而聘于齊按經無有豈不微哉不書其往而有避也今此傳言莊公馮而於經不書亦以有避也是以不書聘乎齊避所羞也不書莊公馮殺避所善也是故讓者春秋之所善宣公不與其子而與其弟其弟亦不與子而反之兄子雖不中法皆有讓高不可棄也故君子為之諱不居正之謂避其後也亂移之宋督以存善志此亦春秋之義善無遺也若直書其篡則宣穆之高滅而善之無所見矣難者曰為賢者諱皆言之為宣穆諱獨弗言何也曰不成於賢也其為善不法不可取亦不可棄棄之則棄善志也取之則害王法故不棄亦不載以意見之而已苟志於仁無惡此之謂也

滕子來朝

通義云即隱十一年滕侯也朝桓公不足褒故還從本節爾杜范皆以為時王所黜夫把左傳猶有

用夷禮之說滕薛何事直是囂語

三月公會齊侯陳侯鄭伯于稷以成宋亂

杜云稷宋地大事表云當在今歸德

境府

內大惡諱此其目言之何注目見也斥見其惡言成宋亂疏

注目見至宋亂。易說卦傳離為目注南方之卦主視故為

目廣雅釋詁云日視也又云視明也目言之猶言明斥之對

諱言也穀梁隱元年傳段鄭伯弟也以其目君知其為弟也

亦謂斥君也魯桓成宋亂為內大惡不為之諱是為斥見其

惡遠也所見異辭所聞異辭注所以復發傳者

益師以臣見恩此以君見恩嫌義異也所見之世臣子恩其

君父尤厚故多微辭是也所聞之世恩王父少殺故立煬宮

不日武宮日是也所傳聞之世恩高祖曾祖又少殺故子赤

卒不日子般卒日是也疏紫露奉本云於稷之會言成宋亂

無第三所字後唐改補入詳釋載石經殘碑曰桓公二年顏

氏有所見異辭所問異以下缺然則熹平立石者為嚴氏春

秋於此無所見異辭三句何氏所注者為顏氏春秋於此有

之漢石經於碑末列其同異按無此三句則遠也隱亦遠矣

文相承有則與哀十四年傳復出矣按何氏此注與哀十四

云彼以臣之故欲見臣恩之薄厚故曰以臣見恩此以君之
故欲見君恩之薄厚故曰以君見恩也通義云復發傳者與
益師義異彼為詳略例近辭詳遠辭略此為諱例近辭微遠
辭顯各有所施也此注言復發傳因隱元年公子益師卒下
有此三語故言復哀十四年則三發傳矣仍對益師卒傳發
言復疑何氏本亦無傳無此注皆後人以別本公羊驥入因
以哀十四年注文增置此耳○注所見至是也○所見世謂
昭定哀世也定元年傳曰定哀多微辭彼注云定公有王無
正月不務公室喪失國寶哀公有黃池之會獲麟故總言多
是也繁露楚莊王云故哀定昭君子之所見也所見六十一
年於所見微其辭與情俱也是故逐季氏而言又雩微其辭
也又云義不諱上智不危身故遠者以義諱近者以智畏畏
與義兼則世逾近而言逾謹矣此定哀之所以微其辭以故
用則天下平不用則安其身春秋之道也○注所聞至是也
○繁露又云襄成文宣君子之所聞也所聞八十五年於所
聞痛其禍子赤弑弗忍言曰痛其禍也舊疏云立煬宮不日
者即定元年九月立煬宮是也立武宮日者成六年二月辛
巳立武宮是也公羊之義失禮鬼神例日故言此董何各舉
遠近不同事以證無定例也○注所傳至是也○文十八年
冬十月子卒傳曰何以不口隱之也何隱爾弑也弑則何以
不日不忍言也注所聞世臣子恩痛王父深厚故不忍言其
日與子般異也子般日者莊三十二年冬十月乙未子般卒

是也被注云日者為臣子恩錄之也殺不去日見隱者降子赤也是也繁露又云倍閔莊桓隱君子之所傳聞也所傳聞九十六年於傳聞殺其恩子般殺而書乙未殺其恩也屈伸之志詳略之文皆應之按少殺又少殺者漢書韋元成傳云親疏之殺殺漸降也董子所謂近近而遠遠親親而疏疏是也近者親遠者疏親者恩厚疏者恩殺厚薄之故輕重之義善惡之著褒譏之加微顯之文皆生此矣隱亦遠矣曷為為隱諱注据觀魚諱疏

注据觀魚諱○見隱五年彼注云實譏張魚而言觀譏遠者恥公去南面之位下與百姓爭利匹夫無異故諱使若以遠觀為譏者是也通義云据人極諱滅輪平諱獲之隱賢而桓

賤也注宋公馮與督共弑君而立諸侯會於稷欲共誅之受賂便還令宋亂遂成桓公本亦弑隱而立君子疾同類相養

小人同惡相長故賤不為諱也古者諸侯五國為屬屬有長

二屬為連連有帥三連為卒卒有正七卒為州州有伯也州

中有為無道者則長帥卒正伯當征之不征則與同惡當春

秋時天下散亂保伍壞敗雖不誅不為成亂今責其成亂者

疾其受賂也加以者辟直成亂也疏校勘記云賤唐石經郭

本賤改賊石經考文提要云宋景德本郭洋宮書本明閣齊

假本皆作桓賤按漢書五行志云痛隱而賤桓且注云賤不

為諱則作賤可知吳氏凌雲經說云或疑何氏注有賤不為

諱之文疑毛本賊為諱字凌雲按隱元年傳明言隱賢而桓

貴此云桓賊以桓弑隱故耳石刻自誤按隱元年傳云桓幼

而貴謂其名分貴耳此貴賤直以其人之德言之桓弑君之

賊春秋所賤也穀梁傳云於內之謀而君子無遺焉爾亦賤

桓之義也○注宋公至遂成○左傳取賂而還齊陳鄭皆有

賂故遂相宋公彼疏引鄭服虔皆以成宋亂為成就宋亂

杜氏釋成爲平非○注桓公至諱也○疾疑衍文謂君子與

君子同類相養小人与小人同惡相長也穀梁傳桓內弑其

君外成人之亂於是為齊侯陳侯鄭伯討數日以賂注桓既

罪深責大乃復為三國討數至日以責宋賂王氏引之經義

述闕依石經改討為計范下注所謂桓與諸侯校數功勞以

取宋賂是也范上注又云桓姦逆之人故極言其惡無所遺

漏也亦不為諱之意也彼注引徐邈曰宋雖已亂治之則治

治亂成不繫此一會若諸侯討之則有撥亂之功不討則受

成亂之責辭豈虛加也哉春秋雖為親尊者諱然亦不沒其

賈故納賄于廟躋僭逆祀及王室之亂昭公之孫皆指事而
書哀七年傳所謂有一國之道者有天下之道者也君失社
稷猶書而不隱况今四國羣會非一人之過以義致譏輕於
自己兆亂以此方彼無所多怪如穀梁義蓋齊陳鄭志在討
亂桓公與宋馮均弑君之賊同惡相濟為之致賂三國春秋
貶之曰以成宋亂故彼上傳云以者內為志焉爾公為志乎
成宋亂也是也公羊義亦大同不若穀梁之詳取以足之○
注古者至伯也○舊疏云王制及春秋說文按今王制云五
國以為屬屬有長十國以為連連有帥三十國以為卒卒有
正二百一十國以為州州有伯彼疏引元命包云陽成於三
列於七三七二十一故二百一十國與此同鄭彼注云屬連
卒州猶聚也伯帥正亦長也○注州中至同惡○僖四年左
傳云五侯九伯女實征之禮疏引服虔注云五等之侯九州
之伯彼謂方伯之事王制所謂諸侯賜弓矢然後征賜鈇鉞
然後殺者也玩此注意則州中有無道者則長帥卒正皆得
征之所謂亂臣賊子人人得而誅之者也惠氏士奇春秋說
云古者諸侯有屬長連帥卒正州伯州中有作亂者則長帥
正伯征之征者正也桓公有長帥正伯之任故會齊陳鄭往
而成之當請命于天子執華督而戮之則華氏安得後于宋
懷惡而討雖死不服無瑕者可以戮人魯桓親弑其君兄猶
楚靈親弑其君兄之子而奪其位然楚靈能殺慶封而魯桓
不能戮宋督既不能戮又取賂而復立之則魯桓之惡更甚

於楚靈故春秋書于冊曰會于稷以成宋亂則不僅不征之
為同惡矣。○注當春至賂也。○穀梁注引江熙云公與齊陳
鄭欲平宋亂而取其賂則不能平亂故書成宋亂取部大鼎
納于大廟微旨見矣。○注加以至亂也。○舊疏云下十四年
傳以者何行其意也彼注云以己從人曰行言四國行宋意
也今此言以者若言公為三國所以遂行其意而成宋亂非
公本意故云加以者辟直成亂也是則春秋雖不為
桓諱然猶書以若隨人者然則猶為尊親諱之旨也

夏四月取部大鼎于宋

此取之宋其謂之部鼎何注據莒人伐杞取牟婁後莒牟夷

以牟婁來奔不繫杞也疏注據莒至杞也○即隱四年莒人

婁來奔是也器從名注從本主名名之疏○此部鼎是也鼎得之

日部鼎名者自命之謂也若器之自名矣穀梁傳孔曰名從

主人物從中國故曰部大鼎也注主人謂作鼎之主人也故

繫之地從主人注從後所屬主人疏○杞地既為莒所有故即

繫之莒不得器何以從名地何以從主人注據錯疏○舊疏

云二理相違 器之與人非有卽爾注卽就也若曰取彼器與

此人異國物凡人取異國物非就有取之者皆持以歸為有

為後不可分明故正其本名疏注卽就也○說文卽部卽

使陸賈卽授璽綬師古曰卽就也○注若曰至本名○經義

述聞云謹案據注則傳文當作非卽有爾傳作非卽有爾故

注云凡人取異國物非就有也下文至於地之與人則不然

注曰凡取地皆就有之與器異也疏云非有卽爾而解之曰

謂非有就而有之爾則所據本已誤作有卽唐石經亦誤按

如傳文誠不可解不若依王氏所校為明爽通義云人之與

器不能就而有之必持歸為己有恐後不可分別故以其名

識之非若地有常處雖數易其主終可識別也俞氏櫛云何

意蓋謂人之於器不能就而有之必持歸為己有恐後不可

分別故以其名識之然如此則當云非卽有爾不當云非有

卽爾也今按爾雅釋詁卽尼也釋文尼本亦作呢呢與暱同

字古文通作黏隱元年左傳不義不暱說文黍部引作不義

不黏黏也器之與人非有卽爾言器與人不相黏著今日

為此人之器明日可為彼人之器非如地有常處雖數易主

不可遷移故器必從其本名以識別之也亦通繫露玉宋始

以不義取之故謂之郤鼎注宋始以不義取之不應得故主

之謂之郤鼎如以義應得當言取宋大鼎郤本所以有大鼎

者周家以世孝天瑞之鼎以助享祭諸侯有世孝者天子亦

作鼎以賜之禮祭天子九鼎諸侯七卿大夫五元士三也疏

注未始至大鼎○宋本主作王誤闕本監本毛本作主亦誤

郤本作正當據正宋以不義取郤鼎春秋即書其本名以正

不義所謂因其可貶而貶之者也故何氏云然其實宋即以

義取亦止能謂之郤鼎不得言宋大鼎也通義云此主謂宋

本取大鼎于郤故名郤鼎云不義者傳惡宋滅郤而取其鼎

聊廣言之耳其實就令以義取之器固當從名若文王克崇

伐密而魯有崇鼎晉有密須之鼓是也舊疏謂以義應得者

若天賜之非○注郤本至賜之○舊疏云謂殷衰之時鼎沒
于泗水及武王克殷之後鼎乃出見齊氏召南考證云此鼎
與九鼎無涉九鼎沒泗水乃周末秦初事非殷末也武王遷
九鼎于維邑非得之泗也按齊說是也漢書郊祀志云有司
昔言問昔秦帝與神鼎一者一統天地萬物所繫象也黃
帝作寶鼎三象天地人禹收九牧之金鑄九鼎象九州皆嘗
賜享上帝鬼神其空足日兩以象三德饗承天祐夏德衰鼎

遷于殷殷德衰鼎遷于周周德衰鼎遷于秦秦德衰宋之社
亡鼎通淪伏而不見周頌曰白堂祖基自羊祖牛鼎鼎及肅
不吳不放胡考之休是鼎所以供享祭也天瑞之鼎未詳所
出蓋亦如漢世得汾陰鼎事耳志又云美陽得鼎獻之張敞
按鼎銘勒而上議曰臣聞周祖始平后稷后稷封平釐公劉
發迹於陶大王建國于郊梁文武興於鄠鎬由此言之則却
梁豐鎬之間周舊居也固宜有宗廟壇場祭祀之域今鼎出
于却東中有刻書曰王命尸臣官此柁邑賜爾旂鸞黼黻調
戈尸臣拜手稽首曰敢對揚天子丕顯休命臣愚不足以述
古文竊以傳記言之此鼎始周之所以衰賜大臣大臣子孫
刻銘其先功臧之于宮廟也是諸侯有世孝者天子或賜之
鼎事也○注禮祭至三也○舊疏云春秋說文孟子梁惠王
篇前以士後以大夫前以三鼎而後以五鼎與注士祭三鼎
大夫祭五鼎按儀禮士虞禮陳三鼎于門外之右北面北上
設局鼎是士三鼎也少牢饋食禮雍人陳鼎五三鼎在羊饌
之西二鼎在豕饌之西是大夫五鼎也禮記郊特牲云鼎俎
奇而邊豆偶以次差之當諸侯也天子九矣郊特牲疏云少
牢陳五鼎羊一豕二膚三魚四腊五特牲三鼎牲一魚二腊
三然大夫五鼎而亦用三鼎有司徹乃升羊豕魚三鼎則以
釋祭殺於正祭也士用三鼎亦有一鼎者如士冠士昏舊疏
所云士冠士喪皆一鼎士冠士喪略於正祭是也士三鼎有
以盛葬奠加一等者如既夕禮遺奠陳奠五於門外是也天

子九鼎亦有十二鼎者周禮膳夫所云王日一舉鼎十有二是也九家易解牛鼎受一斛天子飾以黃金諸侯白金三足以象三台足上皆作鼻以為飾也羊鼎五斗天子飾以黃金諸侯白金大夫以銅豕鼎三斗天子飾以黃金諸侯以白金大夫銅士鐵三鼎形同周膳夫云鼎十有二係古周禮說不必通之於春秋故何氏不取也 至乎地之與

人則不然注凡取地皆就有之與器異也疏地在故須就有定

之非若器之注俄而可以為其有矣注俄者謂須臾之間制得可彼可此也

之頃也諸侯土地各有封疆里數今日取之然後王者起興

滅國繼絕世反取邑不嫌不明故卒可使以為其有不復追

錄繫本主疏注俄者至頃也制閭本監本毛本同宋本制

之頃也師古曰蛾與俄同說文人部俄頃也關尹子八籌篇

鳥獸俄旬旬俄逃逃創者始也漢書班固敘傳禮義是創師

古曰創始造之始荷之頃猶言乍得之頃也注諸侯至本

主注孟子告子篇今魯方百里者五子以為有王者作則魯

在所損乎在所益乎趙注後世兼侵小國今魯乃五百里矣

有王者作若文王武王者子以為魯在所損之中耶在所益

之中也言其必見損也是即後王者起反取邑之義也地名所繫不嫌不明故終可為本國所有無須迫繫本國名也

然則為取可以為其有乎注為取恣意辭也弟子未解故云

爾疏通義云言為所取遂可以他人之地為其有乎○注為取恣意辭○說文又部取摘取也取有索義與恣意義

近注曰否何者注何者將設事類之辭疏說文口部否不也繫

言者故從言故从口書此曰否者即不然之謂也○注何者

至之辭○何者詰辭也書臯陶謨詩小雅夜如何其是也何曷也奚也孰也如注意則何者為若楚王之妻媢無時焉可引申之意故云將設事類之辭也

也注媢妹也引此為喻者明其終不可名有也經不正者從

可知省文也疏注媢妹也○公羊問答云問此方言乎曰說

云猶今謂兄為鸞妹為媢唐書宗室傳同安公主高祖同母

媢也媢妹古音同部○注引此至有也○言楚王以媢為妻

終無可時亦若地雖恣意取之終無時可名有也舊疏云若

作名字言器不可從今主之名地不可作後主之有也考諸古本名作多字雖恣意取之亦不得多有也若如此解以覆上為取之義矣校勘記云作名是終不可名有猶云終不可

為有此專以地言不如疏所說按所駁極是自至乎地與人
以下皆反覆申言地從主人之義不必牽涉器從名也○注
經不至文也○此對部大鼎繫部以
正宋立義也經不正者道春秋通例

戊申納于太廟疏四月無戊申戊申為五月之十日納與取當
異月也此年正月之日不誤則前年四月之

日其誤審矣杜氏長麻此年四月庚午朔其月無戊申
五月己亥朔十日得戊申是有日而無月也相差一日

何以書譏何譏爾遂亂受賂納于太廟非禮也注納者入辭

也周公稱太廟所以必有廟者緣生時有宮室也孝子三年

喪畢思念其親故為之立宗廟以鬼享之廟之為言貌也思

想儀貌而事之故曰齊之日思其居處思其笑語思其志意

思其所樂思其所嗜祭之日入室儼然必有見乎其位周旋

出入肅然必有聞乎其容聲出戶而聽慨然必有聞乎其歎

息之聲孝子之至也質家右宗廟上親親文家右社稷尚尊

尊疏左傳曰非禮也殺梁傳曰桓內弑其君外成人之亂受

也○莊九年傳納者何入辭也范注傳例曰納者內不受也

日之明惡甚也按彼傳例內弗受者指諸侯相及此亦引內

弗受例者意於義不合受也廣雅釋詁云納入也書堯典寅

餽納日偽孔傳餽送也日入言送○注周公稱太廟○文十

三年傳云周公稱太廟禮記明堂位以禘禮祀周公于太廟

杜注左傳范注穀梁皆云太廟周公廟按魯以周公為太廟

魯公為世室明堂位所謂魯公之廟文世室也世世不毀加

四親廟而六又有姜嫄廟詩魯頌閟宮有值是也又史記世

家云祭文王皆謂之特廟○注所以至享之○類聚引白虎

通云王者所以立宗廟何曰生死殊路故敬鬼神而遠之緣

生以事死敬亡若事存故欲立宗廟而祭之此孝子之心所

以追孝繼養也所以有室何所以象生之居也故為之享之

傳疏出故為至享之云孝經文蓋孝經說文○注廟之至事

之○類聚引白虎通又云宗者尊也廟者貌也象先祖之尊

貌也○注故曰至至也○皆祭義文祭義出入作出戶宋本

歎作嘆校勘記云依說文歎嘆有別按說文口部嘆吞歎也

一曰太息也欠部歎吟也則當作嘆故詩中谷有推云嘑其

嘆矣又篤公劉而無永嘆皆作嘆也其禮記檀弓云成斯歎

疏云歎吟息也其實對文異散則通鄭氏祭義注云致齊思

此五者也散齊七日不御不樂不弔耳又云周還出戶謂薦

設時也無戶者闔戶若食間則有出戶而聽之薦設謂孝子
薦俎酌獻主婦設豆佐食設俎之屬周旋出入禮所必有則
何氏所見禮記本作出入亦通出戶而聽皇侃禮疏謂戶闕
之後陽厭之時又云無戶謂之陰厭戶未入前亦與鄭氏無
戶者闔戶之說無乖惟入室當為初入陰厭時則出戶宜專
謂戶闕後也○注實家至尊尊○類聚引五經通義云文家
右社稷左宗廟文家據地而王地道長久得事宗廟以有社
稷故右之質家左社稷右宗廟周禮小宗伯云右社稷左宗
廟注庫門內雉門外也周代文尚尊尊故在右也舊疏以為
春秋說文圖斷上云天子諸侯左宗廟東曰左右社稷西曰
右宗廟社稷皆在庫門之內雉門之外据周制言也禮記祭
義云建國之神位右社稷而左宗廟亦据時王制言之浦氏
鐘云上親親上誤當作尙否則
下尙尊尊當作上庶不歧出

秋七月紀侯來朝注稱侯者天子將娶於紀與之奉宗廟傳之

無窮重莫大焉故封之百里月者明當尊而不臣所以廣孝

敬蓋以為天子得娶庶人女以其得專封也疏左氏作紀侯

易混李氏恒羣經識小云桓二年杞侯來朝三年公會杞侯
于鄆十二年公會杞侯莒子盟于曲池穀梁經文惟桓三年

與左傳經同二年及十二年作紀侯公羊經則三處皆作紀
侯謹按紀侯爵祀則初年已稱伯後更稱子此三年祀侯皆
紀侯之誤當以公羊經為正程子曰自紀滅後經不復稱祀
侯諒哉劉氏逢祿左傳考證云劉歆等見經下有入祀之文
遂改紀為祀以比合之不知祀於周本爵稱公可也周書王
會雖出漢人所撰然所謂殷公夏公者即祀宋也稱侯不可
也○注稱侯至百里○白虎通嫁娶云王者之取必先選於
大國之女禮儀備所見多詩云大邦有子倪天之妹文定厥
祥親迎于渭明王者必娶大國也春秋曰紀侯來朝紀子以
嫁女於天子故增爵稱侯數十年之問紀侯無他功德但以
子為天王后故爵稱侯知雖小國必封以大夫者明其尊所
不臣也王者娶及庶邦何開天下之賢士不遺善也故春秋
曰紀侯來朝文加為侯明封之也先封之明不與庶邦交禮
也漢書王莽傳信鄉侯終上言春秋天子將娶于紀則衰紀
子稱侯有司議皆曰古者天子封后父百里尊而不臣以重
宗廟孝之至也外戚恩澤侯表云其餘后父据春秋衰紀之
義應劭曰春秋天子將納后于紀紀本于爵也故先衰為侯
言王者不娶於小國是也後漢順烈皇后傳春秋之義娶先
大國皆用公羊之義也顧氏棟高大事表云漢世立后先進
后父為大司馬大將軍封邑侯恩澤之溢自此始皆不知紀
子帛為闕文故也公羊禮說云顧說非也女子之為天王后
母儀天下其父亦同於羣臣耶此又不近情之論勸賞黜陟

公羊義疏十一

之柄自止操之賢不肖可得而進退也授之爵不授之權有
 何國柄之移況春秋之義外戚柄政久已杜漸防微矣傳二
 十五年宋殺其大夫傅宋三世無大夫三世內娶也注宋以
 丙娶故公族以弱妃黨益強威權下流故政分三門卒生篡
 弑親親出奔疾其未故正其本願氏未之見耶全祖望曰外
 戚非皆不賢也漢之呂霍上官丁傅不可用矣而竇嬰則名
 臣馮野王傅喜王商三人元成哀間若大用之可無王氏之
 禍是眞平情之論矣按前漢移於王莽後漢移於曹操雖皆
 后父而得權之山不自外戚足見威權替否在乎人君自制
 耳舊疏云知天子將娶于紀者以下八年逆王后于紀是也
 知其元非大國者以隱二年紀子伯子伯並稱故知此侯非
 本爵也知封之百里者正以自今以後恒稱侯下六年公會
 紀侯十三年公會紀侯鄭伯之屬是也毛本於作于○注月
 者至孝敬○繁露王道云春秋立義天子不臣母后之黨白
 虎通王者不臣云不臣妻父母何妻者與己一體恭承宗廟
 欲得其歡心上承先祖下繼萬世傳於無窮禮記哀公問云
 合二姓之好以繼先聖之後以爲天地宗廟社稷之主又云
 孔子曰天地不合萬物不生大昏萬世之嗣也孔子遂言曰
 丙以治宗廟之禮足以配天地之神明出以治直言之禮足
 以立上下之敬又云妻也者親之主也故不敬與皆廣孝敬
 之義也舊疏云凡朝例時以其尊而不臣故書月令與朝異
 ○注益以至封也○白虎通嫁娶云諸侯所以不得自娶國

牛何諸侯不得專封義不可臣其父明天子得專封故雖庶
入女得娶也舊疏云此欲道諸侯不得專封故不取乎大夫
以下即文四年夏逆婦姜于齊略之也注非所以重宗廟故略之也是也

蔡侯鄭伯會于鄧疏

杜云穎川召陵縣西南有鄧城彼疏引賈服以鄧為國言蔡鄭會於鄧之國都釋例

以此穎川鄧城為蔡地其鄧國則義陽鄧縣是也此傳云蓋
鄧與會爾則賈服本此為說矣按左傳云始懼楚也鄧亦楚
旁小國後為楚滅與蔡鄭相去俱不遠因懼楚而與會亦事
之恒孔疏強為申說謂蔡鄭懼楚始為此會何當反求近楚
小國而與之結援其說支離不可從也大事表云今襄陽府
治襄陽縣東北二十里有鄧城鎮為鄧國地水經注醴水東
經鄧縣故城南左入汝汝水又東南流經鄧城西言蔡鄭會
于鄧之國都沈氏欽韓云傳言始懼楚鄧國在南陽逼楚境
尤切故兩國至其都結謀當從賈服也許州之鄧是隱十年所盟地

離不言會此其言會何

注据齊侯鄭伯如紀二國會曰離二

人議各是其所是非其所非所道不同不能決事定是非立

善惡不足采取故謂之離會

疏

注据齊至如紀○下五年云齊侯鄭伯如紀傳外相如不

書此何以書離不言會也時紀不與會故略言如也通義云
 傳文据彼難此不言蔡侯鄭伯如鄧意也○注二國至離會
 ○通義云離離也儻兩也記曰離坐離立毋往參焉二謂之
 離三謂之參漢律有離載下帷言二人共載也禮用兩鹿皮
 古文冠禮云離皮射以二人為耦三朝記謂之置離公子圍
 使二人執戈謂之離衛諸言離者其意如此按小爾雅廣言
 麗兩也周禮校人麗馬二因注麗耦也詩疏引聖證論王肅
 曰夏后氏駕兩馬謂之麗儀禮士昏禮儻皮注儻兩也麗儻
 皆與離同所傳問之世外離會不書此但書蔡侯鄭伯嫌是
 離會故決之以鄧與會故也隱二年注云凡書會者惡其虛
 內務持外好是春秋於會無美詞二國會是非不決美惡不
 立尤無足取在所傳問世不及責故但書兩離會以正己也
 蓋鄧與會爾注時因鄧都得與鄧會自三國以上言會者重

其少從多也能決事定是非立善惡尙書曰三人議則從二

人之言蓋取諸此疏注時因至鄧會○隱元年九月及宋人

可知是魯宋盟于宿都也此蔡鄭會于鄧與彼文同故知因
 鄧都得與鄧會焉通義云凡盟會以國地者皆主人與會若
 及宋人盟于宿之例范云鄧某地則誤于杜氏而不決故也
 ○注自三至諸此○左傳所謂自參以上是也三國以上必

有主者首其榮辱則是非善惡可定繁露王道云諸侯會同賢爲主賢賢也其不賢爲主爲惡惡審矣所引尙書周書洪範文今尙書本議作占此蓋京孟本也引以證能決事定是非不取乎占也左傳成六年云商書曰三人占從二人眾故也彼所見

本作占

九月入杞疏穀梁傳我入之也注不稱主名內之卑者通義云錄內事從省可知故言我入邾特爲起齊欲之變文云爾隱二年注云保伍連帥本有用兵之道魯入杞不諱是也

公及我盟于唐注不日者戎怨隱不反國善桓能自復翕然相

親信疏注不日至親信○隱二年注朝聘會盟例皆時又元年注云君大夫盟例日惡不信也此月者隱推讓以立邾婁慕義而來相親信故爲小信辭也大信者時柯之盟是也此不日爲小信辭按隱二年秋八月庚辰公及戎盟于唐注後不相犯日者爲後背隱而善桓能復爲唐之盟戎於隱不信故於桓爲小信辭矣桓弑君之賊戎反翕然相親信之深惡之嚴矣

冬公至自唐注致者君子疾賢者失其所不肖者反以相親榮

故與隱相違也明前隱與戎盟雖不信猶可安也今桓與戎

盟雖信猶可危也所以深抑小人也凡致者臣子喜其君父

脫危而至疏通義云唐內地也晉侯黑臀卒于扈傳曰未出

內以地致封外者以會致按唐卽棠大事表謂在今兖州府

魚臺縣東十二里是封內地也○注致者至人也○中論修

本云世之治也行善者獲福為惡者得禍及桓無信之人戎

不獲福為惡者不得禍變數也隱賢君被弑桓無信之人戎

反與親榮君子疾之故隱桓相違隱盟不致桓盟致是也通

義云桓之盟皆曰桓無信也其會皆不致略之也唯是盟不

日又致者尋前唐盟修隱之好成隱之信故加錄焉爾春秋

賢隱而聚桓此最著矣按孔說非隱盟日已惡戎矣此復不

日惡戎益甚若謂成隱之信則隱盟當不日先於隱著信辭

此乃為成隱之信矣舊疏云隱之盟書日故言不信也不書

致故言猶可安桓不日故為信書致故言危也○注凡致至

而至○此道春秋通例也穀梁傳注引襄二十九年例曰致

君者殆其往而喜其反殆危也是則臣子喜其君父脫危而

至意也隱會危皆不致安也桓會盟皆危亦不致者桓之臣

子卽隱之臣子君弑賊不討以為無臣子也所以

深絕桓之君臣也此書致者起其與隱相違也

三年春正月公會齊侯于贏注無王者以見桓公無王而行也

二年有王者見始也十年有王者數之終也十八年有王者

桓公之終也明終始有王桓公無之爾不就元年見始者未

無王也二月非周之正月所以復去之者明春秋之道亦通

於三王非主假周以爲漢制而已疏杜云贏齊邑今泰山贏縣一統志贏縣故城在

泰安府萊蕪縣西北四十里大事表云在今泰安府東南五

十里水經注汶水篇汶水又西南逕贏縣故城南春秋桓三

年公會齊侯于贏成昏於齊也春秋正辭云特會不恒月其

月何決不王也注無王至行也○繁露玉英云桓之志無

王故不書王其志欲立故書卽位書卽位者見其弒君兄也

不書王者以言其背天子是故隱不言正桓不言王者皆從

其志以見其事也左疏引賈逵云不書王弒君易勅田成宋

胤無王也元年治桓二年治督十年正曹伯十八年終始治

桓上元年穀梁傳其曰無王何也桓弟弒兄臣弒君天子不

能定諸侯不能救百姓不能去以爲無王之道遂可以至焉

王法餘公無王者為不書正月不得書王然則穀梁之義無
 王有二義一以見王不能正魯桓一以見桓之無王也杜預
 概以為失不班麻故不書王夫周之班麻與否於史無徵然
 果有此事何以獨桓之世失不班麻乎故左疏引劉炫規過
 云天王失不班麻經不書王乃是國之大事何得傳無異文
 又昭二十三年以後王室有子朝之亂經皆書王豈是時王
 室猶能班麻又襄二十七年再失閏杜云魯之司麻頓置兩
 閏又哀十三年十二月魯杜云季孫雖聞仲尼之言而不正
 麻如杜所注麻既天王所改魯人何得擅改又子朝奔楚其
 時王室方亂王位猶且未定諸侯不知所奉復有何人向能
 班麻昭二十三年秋乃書天王居于狄泉其春未有王矣時
 未有王麻無所出其年何故亦書王也若春秋之麻必是天
 王所班則周之錯失不關於魯魯人雖或知之無由輒得改
 正襄二十七年傳稱司麻過再失閏者是周司麻也魯司麻
 也而杜釋例云魯之再麻始覺其謬頓置兩閏以應天正若
 麻為王班當一論王命甯敢專置兩閏改易歲年哀十三年
 十二月魯仲尼曰火猶西流司麻過也杜於釋例又云季孫
 雖聞此言猶不即改明年復魯於是始悟十四年春乃置閏
 欲以補正時麻既言麻為王班又稱魯人輒改改之不憚於
 王亦復何須王麻杜之此言自相矛盾以此立說難得而通
 是杜氏失不班麻說不可通誠如劉光伯所駁惟劉氏以無
 王為闕文亦非春秋王字皆夫子所加夫子闕之與抑傳經

者闕之與孔穎達云若必闕文止應一事兩事而已不應一
公之內十四年並闕王字也是也總之杜氏處處回護魯桓
專爲亂臣留餘地故說多難通而劉炫孔穎達之徒既習杜
氏不能不強爲解說而又實有難通之處雖極力斡旋而終
無能掩飾也○注二年至王也○舊疏云三年有王見始者
卽二年春王正月庚申宋督弑其君與夷是也十年有王數
之終者卽十年春王正月庚申曹伯終生卒是也十八年有
王桓公之終者卽十八年春王正月公會齊侯于濼是也不
就元年見始未無王者元年春王正月月初卽位之時自知已
篡戰懼畏討未敢無王是以春秋於正月之際不得見始通
義云穀梁元年傳曰桓無王其曰王何也謹始也元年有王
所以治桓也二年傳曰桓無王其曰王何也正與夷之卒也
十年傳曰桓無王其曰王何也正終生之卒也公羊都不言
無王之義今取穀梁爲說云正與夷終生之卒者歲首既非
魯事須明無王之故不爲曹宋施耳十八年有王穀梁無傳
何邵公以爲桓公之終也蓋惡桓之深若曰今而後乃復有
王云爾爾解詰箋云桓無王之義公羊闕不具何君据經及穀
梁得之穀梁子曰元年有王所以治桓也允矣何云未無王
者失之二年有王者穀梁子以爲正與夷之卒則非也桓之
弑諱督之弑著按元年有王者卽位之初雖惡逆之人未必
不求假命天子如莊元年天子錫桓公命知當時周天子不
以桓爲罪可知故何云未無王也二年以後惡志漸著擅易

公羊義疏十一

三

祈田之類竟不知憚又會于稷以成宋讖弑逆之人黨惡相
 濟故於二年書王以正其始十八年書王以正其終十年為
 數之極復書王以張義繁露天地陰陽云天地陰陽木火土
 金水九與人而十者天之數畢也故數者至十而止書者以
 十為終皆收之此何氏之義本自明顯孔劉二家牽涉穀梁
 甚無謂也春秋詳內而略外與夷終生之卒獨書王以正於
 義無取若謂無王之故不為曹宋施則五年陳侯鮑卒九年
 紀季姜歸于京師十一年齊衛鄭盟于惡曹之屬何干魯事
 而亦不書王乎○注二月至而已○舊疏云即七年春二月
 己亥焚咸丘十有三年春二月公會紀侯鄭伯云云二十五
 年春二月天王使冢父來求車之屬是也春秋於每月書王
 所以通三統故於桓之世去王雖非周正月亦去王以通三
 統之義若曰如桓之行雖非周室臣子亦必去王以絕之也
 解詁箋云二月者殷正月也王二月者罰弊殷禘王正月速
 由文王茲義率殺刑茲無赦此春秋之道通於三王也何云
 為漢制者在漢言漢由百世之後等百世之王莫之能違也
 其實桓世適三月不見爾其三月亦不書王也

夏齊侯衛侯胥命于蒲疏

杜云蒲衛地在陳留長垣縣西南一

事表云後為甯氏邑在衛西與晉楚接界衛靈公曰蒲衛之
 所以待晉楚也甯殖以蒲出獻公甯氏誅繼受蒲者為公叔

氏出千獻公復以蒲叛是蒲為衛之
嚴邑矣今為直隸大名府長垣縣治

胥命者何相命也注胥相也時盟不歃血但以命相誓疏釋

郭注引作胥命者何相盟也盟乃命字之誤○注胥相也○

爾雅釋詁文毅梁傳胥之為言信相也漢書楚元王傳二人

誅不聽胥靡之師古曰胥相也書太甲罔克胥匡以生傳無

能相匡○注時盟至相誓○釋文作不歃云本又作肅禮記

曲禮云約信曰誓泄牲曰盟注荏臨也坎用牲臨而讀其盟

書聘禮今存遇會誓盟禮亡疏約信曰誓者亦諸侯事也約

信以其不能自相和好故用言詞共相約束以為信也若用

言辭約束以相見則用誓禮故曰誓也鄭注司寇云約言語

之約束也泄牲曰盟者亦諸侯事也泄臨也臨牲者盟所用

也盟者殺牲歃血誓於神也若約束而臨牲則用盟禮故曰

泄牲曰盟也然天下太平之時則諸侯不得擅相與盟唯天

子巡守至方岳之下會畢然後乃與諸侯相盟同好惡獎王

室以昭事神訓民事君凡罔有疑則盟詛其不信者及股見

曰同並用此禮後至於五霸之道卑於三王有事而會不協

而盟盟之為法先鑿地為方坎殺牲于坎上割牲左耳盛以
珠槃又取血盛以玉敦用血為盟書成乃歃血而讀書加坎
血加書者信二十五年左傳坎血加書又襄二十六年左傳
云歃用牲加書是也知用耳者周禮戎右職云贊牛耳知用

左者以骸者用左耳故也知珠紫正敦者戎右職云以玉敦

辟盟又周禮玉府云共珠紫五敦知口馘血者歸七年左傳

陳五父及鄭伯盟故如忘又襄九年左傳新與楚盟口血未

乾是也其所用盟牲則曲禮疏云許慎據韓詩云天子諸侯

以牛豕大夫以犬士以雞又左傳云鄭伯使卒出殺行出犬

雞以詛射願考叔者又曰衛伯姬盟孔悝以殺鄭云詩說及

鄭伯皆謂詛小於舊周禮戎右云盟則玉敦辟盟遂役之鄭

注役之者傳敦血授當敵者下云贊牛耳執芻又左傳云孟

武伯問於高柴曰諸侯盟誰執牛耳然則盟者人君以牛伯

姬盟孔悝以殺下人君也皇氏以為春秋時盟乃割心取血

故定四年王割子期之心與隨人盟杜云當心前割取血以

盟示其至心是也按如曲禮所次則胥命其即約信曰誓乎

齊桓葵丘之會束牲載何言乎相命注據盟亦相命不道也

書而不馘血蓋同此何氏意謂盟亦彼近正也注以不言盟

疏此相命經他無所見故據以為問不足於信者誠言故春

也疏荀子大略云不足於行者說過不足於信者誠言故春

如不盟也公羊曰近正也穀梁曰近古皆以胥命為許之之辭

荀子曰春秋善胥命荀子嘗從虞卿受左氏此其為近正奈

何古者不盟結言而退注善其近正似於古而不相背故書

以撥亂也疏繁露王道云春秋記繼芥之失反之王道追古

侯衛侯胥命于蒲傳曰古者不盟結言而退禮疏引異義禮

約盟否今春秋公羊說古者不盟結言而退故穀梁傳曰詰

誓不及五帝盟詛不及三王交質子不及二伯詛盟非禮古

春秋左氏說周禮有司盟之官殺牲歃血所以盟事神明又

云凡國有疑詛其不信者是知於禮得盟許君謹按從左氏

說以太平之時有盟詛之禮鄭氏不駁從許慎義也按穀梁

傳云相命而信論謹言而退以是為近古也是必一人先其

者非一人之德是以同聲相應同氣相求齊衛胥盟雖有先

倡倡和理均若以齊命衛則功歸于齊以衛命齊則齊僅隨

從言其相命則泯然無際矣按說文糸部結締也又締不解

也言古謂三代時也但以言相締結不歃血為盟也○注善

其至亂也○詩巧言云君子屢盟亂是用長相命不盟可期

弭亂故書而善之以春秋為撥亂之書故也其實齊衛亦非

真能不盟之國特此一事近似於古故表之以張義而已

六月公會紀侯于盛疏

盛左氏穀梁作處通義云蓋亦盛伯與會范注以處為魯地其即後為孟氏采

邑之成與紀侯

二傳作杞侯

秋七月壬辰朔日有食之既疏王辰唐石經宋本監本閩本同

月書壬辰朔据麻壬辰為六月之朔日非七月朔也按以殷

麻治之當入月壬辰朔劉歆以為六月元史麻志姜歲以為

是歲七月癸亥朔無壬辰亦失問其八月壬辰朔去交分入

食限大衍與姜歲合沈氏欽韓以今麻推之是歲八月壬辰

朔加時在書食六分一十四杪說文月部朔月一日始蘇也

自虎通日月篇朔之言蘇也明消更生故言朔故凡初皆謂

之朔禮記禮運云皆從其朔是也因盡而初故盡亦稱朔爾

雅釋訓朔北方也書疏引舍人注云朔盡也北方萬物盡故

言朔也既者何盡也注光明滅盡也是後楚滅鄧穀上僭稱王故尤

甚也楚滅鄧穀不書者後治夷狄疏注光明滅盡也○詩載

穀梁傳既者盡也有繼之辭也說文豈部譏斃也訖事之樂

也即今之既字易小畜既雨既處詩既見君子古皆訓為已

已亦事盡之詞詩大雅乞可小康箋乞後也亦通既為小食

與盡訓別左傳疏引異義云月高則其食虧於上月則其

食虧於下也日月之體大小正同相揜密者二體相近正映
 其形故光得溢而出而中食也相揜者廣故日光不能復見而日食既
 遠白人望之則月之所映者廣故日光不能復見而日食既
 也未知何家說據南齊書天文志云桓三年日食貫中上下
 竟黑疑者以為日正等月何得小而見日中鄭云月正掩
 日日光從四邊出故言從中起也蓋即鄭氏駁異義說矣續
 漢志引張衡靈憲云當日之衝月常不合是謂闕虛在星則
 星微遇月則月食孔穎達申之云日月異道有時而交則
 相犯故日月遞食交在望前朔則日食望則月食交在望後
 生則月食後月朔則日食交在望前朔則日食望則月食交在望後
 交正在望則月食既前後朔不食大率一百七十三日有餘
 而道始交非交則不相侵犯故朔望不常有食也道不正
 交則日斜照月故月光更盛道若正交則日衝當月故月光
 即滅譬如火斜照水日斜照鏡則水鏡之光旁照他物若使
 鏡正當日水正當火則水鏡之光不能照日之奪月亦猶
 是也日月同會道度相交月揜日光故日食日奪月光故月
 食言月食是日光所衝日食是月體所映故日食常在南入食
 食常在望也食有上下者行有高下謂月在日南從南入食
 南下北高則食起於下月在日北從北入食則食發於高是
 其行有高下故食不同也按孔氏所推論皆本鄭義何氏無
 說未知同否○注是後至甚也○舊疏云即下七年夏裁伯
 綏來朝鄧侯吾離來朝傳曰皆何以名失地之君也是也蓋

以爲楚滅之也上僭稱王者史記楚世家武王三十五年楚
 伐隨隨曰我無罪楚曰我蠻夷也今諸侯皆爲叛相侵或相
 殺我有敵甲欲以觀中國之政請王室尊吾號隨人爲之周
 請尊楚王室不聽還報楚三十七年楚熊通怒曰吾先鬻熊
 文王之師也早終成王舉我先公乃以子男田今居楚蠻夷
 皆率服而王不加位我自尊耳乃自立爲武王與隨人盟而
 去是其事也舊疏引春秋說云桓三年秋七月王辰朔日有
 食之既其後楚僭號稱王滅鄧穀政教陵遲何說所本也漢
 書五行志云桓公三年七月王辰朔日有食之既董仲舒劉
 向以爲前事已大後事將至者又大則既先是魯宋弑君魯
 又成宋亂易許田無事天子之心楚僭稱王後鄭距王師射
 桓王又二君相篡劉歆以爲六月趙與晉分先是晉曲沃伯
 再弑晉侯是歲晉大亂滅其宗國京房易傳以爲桓三年日
 食貫中央上下竟而黃臣弑而不卒之形也故楚嚴稱王兼
 地千里按嚴當云武誤兼地千里即楚世家所云于是始開
 濮地而有之也取象皆相近積漢志注引春秋緯云日食既
 君行無常公輔不修德夷狄強侵萬事錯後漢明帝紀永平
 八年十月晦日有食之既詔曰朕以無德奉承大業而下貽
 人怨上動三光日食之變其災尤大春秋圖讖所謂至譴注
 感精符曰人主含天光據璣衡齊七政操入極故君明聖天
 道得正則日月光明五星有度日明則道正不明則政亂故
 常戒以自勅厲日食皆象君之進退爲盈縮當春秋撥亂日

食三十六故曰至譴也。○注楚滅至夷狄。○隱元年傳注所傳聞世內其國而外諸夏所聞之世內諸夏而外夷狄故所傳聞世不治夷狄也。僖二十六年楚滅隗注不月者略夷狄滅微國也。亦以前此書滅者多故亦書治之然止時而已。所謂後治也。昭三十年冬十有二月吳滅徐徐子章禹奔楚注至此乃月者所見世錄夷狄滅小國也。

公子翬如齊逆女疏通義云加公子者於隱則罪於桓則親所見罪所傳聞之世本不日卒故翬更以不卒見罪然非起見其貴反嫌與柔溺未命者同故一見公子翬於此則隱之篇不稱公子

貶意益顯

九月齊侯送姜氏于讙疏杜云讙魯地濟北蛇丘縣西有下讙亭一統志下讙城在泰安府肥城縣西南

西南大事表云在今濟南府肥城縣西南水經注汶水篇蛇水又西南逕夏郚城南經書公會齊侯于下讙是今俗謂之夏郚城說文邑部鄆魯下邑三傳皆作讙鄆正字讙段借也應劭注漢志引哀八年取鄆及剛是亦作鄆今三傳本亦皆

讙作

何以書譏何譏爾諸侯越竟送女非禮也注以言姜氏也禮

送女父母不下堂姑姊妹不出門疏穀梁傳曰送女踰竟非敵國姊妹則上卿送之以禮於先君公子則下卿送之於大國雖公子亦上卿送之於天子則諸卿皆行公不自送於小國則上大夫送之三傳之義皆同○注以言姜氏也○舊疏云謹若齊地宜言齊侯送孟姜于謹今言姜氏故知越竟也○注禮送不出門○穀梁傳禮送女父不下堂母不出祭門諸母兄弟不出闕門注祭門廟門也闕兩觀也在祭門之外白虎通嫁娶云父誠之於阼階母戒於西階庶母及門內施壻申之以父母之命命之曰敬恭聽爾父母之言夙夜無違愆視諸衿壻公羊問答云問徐彥疏以為時王之禮然乎曰士昏禮主人元端迎於門外主人揖入至于廟門主人升賓升再拜稽首降主人不降送注主人女父也此送女不下堂之證也庶母及門內施衿壻此庶母送女不出門之證也言庶母而姑姊妹在其中不言者文不具也穀梁諸母兄弟不出闕門白虎通父誠於阼階母誠於西階庶母及門內此與公羊說合明係用禮徐以為時王之禮誤矣孟子滕文公篇女子之嫁也母命之往送之門周氏柄中四書辨正云士昏禮女父不降送母戒諸西階上亦不降而孟子言往送之門穀梁傳亦云送女不出祭門乃指廟之大門則送不止於階矣或說送至婿門毛西河引戰國策婦車至門送諸母還謂諸

母有送至婿門者按穀梁傳諸母兄弟送不出闕門謂祭門
 外兩櫬門也所指諸侯嫁女之禮與士昏禮記所言庶母及
 門內略同並無送至婿門之說國策恐未可據闕氏若據釋
 地又續云門即父母家之門非如女子所適之婿家之門今
 人抵緣俗有母送其女母至婿家禮遂以為婿門不知婦人
 迎送不出門又內言不出於柵古豈有是耶然孟子此一禮
 與儀禮士昏禮記亦殊不同記云父在阼階西面戒女母戒
 諸西階上不降又云父送女命之曰戒之敬之夙夜無違命
 母施衿結帨曰勉之敬之夙夜無違宮事庶母及門內施摯
 申之以父母之命命之曰敬恭聽宗爾父母之言夙夜無愆
 視諸衿摯是戒者非止母一人與所送亦非止門一處大抵
 孟子言禮多主大綱不暇及詳抑儀禮定於周初而列國行
 之久頗各隨其俗如衛人之祔也離之魯人之此入國矣何
 祔也合之雖孔子善魯而衛當日仍行自若也此入國矣何
 以不稱夫人注據謙魯地疏女故知謙為魯地○上傳云越竟送
 臣子辭稱夫人如莊二自我言齊注恕己以及人也疏春秋
 十四年夫人姜氏人矣而作故自我言之則謂之曰齊下九年傳自我言紀
 亦卽此意注云恕己及人者不奪人父子之親故也父母之
 於子雖為鄰國夫人猶曰吾姜氏注所以崇父子之親從父

母辭不言孟姜言姜氏者從魯辭起魯地

疏

姜氏云若魯曰吾

姜者孟為衍字也○注所以至之親○下九年傳父母之於

子雖為天王后猶曰吾季姜亦即崇父子之親之義○注從

父至魯地○孟姜即詩鄘風桑中云美孟姜矣是也舊疏云

孟亦有作季字者誤也以既從父母辭宜稱孟姜今稱姜氏

知從魯辭也以謹魯地也杜云已去齊國故不稱女是也

公會齊侯于謹夫人姜氏至自齊

鞞何以不致注據遂以夫人婦姜至自齊致

疏

致○見宣元

年得見乎公矣注本所以致夫人者公不親迎有危也鞞當

并致者鞞親迎重在鞞也上會謹時夫人以得見公得禮失

禮在公不復在鞞故不復致不就謹上致者婦人危重故據

都城乃致也月者為夫人至例危重之

疏

穀梁傳其不言鞞

受之於齊侯也注重在公又云無譏乎曰為禮也齊侯來也

公之逆而會之可也○注本所至危也○經云公子鞞如齊

逆女是公不親迎也故為夫人危通義云于謙已入國矣復言至自齊者已見宗廟然後致也○注輩當至復致○言若公不會于謙夫人不即見公則輩當并致如公子遂逆婦姜之例今夫人于謙得見公得禮失禮在公故不復致輩杜云不言輩以至者齊侯送之公受之於謙也如穀梁傳說則向為得禮故彼引子貢曰冕而親迎不已重乎孔子曰台二姓之好以繼萬世之後何謂已重乎是也監本故誤茲○注不就至致也○舊疏云若就謙致即解者至謙之時書之宜在公會齊侯于謙上按若謙上致宜書夫人姜氏至自謙不然者婦人危重雖未至謙前亦危也○注月者至重之○舊疏云即宣元年三月遂以夫人婦姜至自齊成十四年九月僑如以夫人婦姜至自齊是也凡書至者喜之也亦危之也故夫人至危尤重也

冬齊侯使其弟年來聘疏錢氏大昕答問云齊侯使其弟年來聘再見於春秋為無知之弒君張本也母弟雖親不可使踰其分也

有年

有年何以書注方分別開大有年故不但言何以書疏注方

以書○若但問何以書以喜書也疏通義云古之造文者禾與下復問大有年不明以喜書也周也殷謂之祀四祀修也周謂之年五穀收也嘉禾備登年功乃成故以有年名喜而書之者重民食也大有年

何以書亦以喜書也此其曰有年何僅有年也注僅猶劣也

謂五穀多少皆有不能大成熟疏注僅猶劣也○國語周語

猶劣也楚語而僅得以來注僅猶劣也漢書董仲舒傳注僅

少也廣韻劣少也一切經音義一僅古文艸厘二形同說文

人部僅才能也音義引字林同職國策齊策那那僅存注僅

裁惟少故云僅有年猶言才有年也爾雅釋詁哉始也亦即

才字皆與僅劣義近○注謂五至成熟○舊疏云舊本如是

其穀下云皆有不能大成熟多少二字或衍文也若必存字

解之多謂麥禾少謂豆之屬是事皆有但不能大熟也校勘

記云解非也此不衍漢人語言如是公羊問答云問當衍否

日廣韻劣少也此言五穀多少不等僅僅乎皆有耳正言其
少不當衍也疏又云多謂麥禾少謂豆之屬亦非是經傳無
明文安能強為之區別耶按以多少不等為少辭今俗語猶
然舊疏非也校勘記又云熟當作孰三禮注成熟字皆作孰
加四點者非殺梁傳彼其曰大有年何注問宣十六年也疏
五穀皆熟曰有年

注問宣十六年。○大豐年也。注謂五穀皆大成熟。疏至成熟。

見宣十六年經。○穀梁傳宣十六年云五穀大熟曰大有年。毛本作大成熟。宋本作大熟成熟亦當作孰。僅有年亦足以

當喜乎恃有年也。注恃賴也。若桓公之行諸侯所當誅百姓

所當叛而又元年大水二年耗減民人將去國喪無日賴得

五穀皆有使百姓安土樂業故喜而書之所以見不自之君

為國尤危又明為國家者不可不有年。疏公羊古義云未新

桓宣時也有者不宜有二公行事不宜有年此皆貶也春秋

二百四十二年之間豈止此二三年豐熟哉以是知二公不

宜有此也昭元年秦后子奔晉云國無道而年穀和熟天贊

之也與此意合左疏引貫達云桓惡而有年豐異之也言有

非其所宜有國語周語曰國之將興其君齊明表正精潔惠

和其德足以昭其馨香國之將亡其君貪冒辟邪淫泆荒怠

靡穢暴虐其政腥臊馨香不登是年之豐儉視乎君德之善

否也。○注恃賴也。○說文心部恃賴也。恃賴疊韻為訓。○注

若桓至有年。○通義云有年在他公時以數見不書唯桓首

之篇以罕書。胡康侯曰桓宣有國十有八年獨此二年書有

年他年之款可知也而天理不差信矣按周禮疾醫以五穀
養病鄭注五穀麻黍稷麥是卽月令五時所食穀也釋文作
耗滅此
耗俗字

皇清經解續編卷千百九十九終

常熟丁國鈞參校
子汝恭校字

皇清經解續編卷千二百

南菁書院

公羊義疏十二

句容陳立卓人著

恒四年
盡五年

四年春正月公狩于郎

疏隱元年左傳費伯帥師城郎杜云郎魯邑高平方與縣東南有郁郎亭春

秋正辭云狩不月此月決不王也

狩者何田狩也注田者蒐狩之摠名也古者肉食衣皮服捕

禽獸故謂之田取獸于田故曰狩易曰結繩罔以田魚疏注

者至名也御覽引白虎通云四時之田總名為田何為田

除害也繁露深察名號云獵禽獸者號一田田之散名春

苗秋蒐冬狩夏禴無有不皆中天意者是散名有蒐狩之別

總號則曰田也毛本作總鄂本宋本闕本監本同作摠董仲

舒皆木公羊立說公羊無夏田繁露有夏禴者後人妄加也
從夏時注古者至之田禮記禮運云昔者先王未有火
化食草木之實鳥獸之肉飲其血茹其毛未有麻絲衣其羽

皮鄭注此上古之時也舊疏云此古者謂三皇之時也按禮
 運又云後聖有作然後修火之利疏云謂神農也則當是庖
 犧以前事又易繫辭云黃帝堯舜垂衣裳而天下治則神農
 時猶衣皮服也故舊疏引鄭易注云始去羽毛又引鄭注易
 說云古者田魚而食之因衣其皮先知蔽前後知蔽後後王
 易之以布帛而猶存其蔽前重古道不忘木也是也詩鄭風
 太叔于田云叔于田傳田取禽也是取義於捕禽獸也又兼
 為田除害義○注取獸至曰狩○此獸狩疊韻為訓也國語
 齊語云田狩畢弋章注狩闕守而取禽也守狩亦疊韻為訓
 ○注易曰至田魚○鄂本宋本同作罔罔本監本毛本作罔
 非約繫辭傳下文也彼云作結繩而為罔罔以田以魚蓋取
 諸離李氏易傳引虞翻注云離為日巽為繩日之重者為罔
 故結繩為罔罔二五之乾成離巽為魚坤二稱田罔罔取獸曰
 田蓋取諸離也則虞本無罔字繫傳叙於庖犧世知在神農
 修火利以前也易本或作佃漁者呂氏音訓云陸氏曰佃音
 田亦作用漁音魚本亦作魚又言庶反馬云取獸曰田取魚
 曰春曰苗注苗毛也明當見物取未懷任者疏注苗毛至任
 文云苗者毛取之毛猶現也詩關雎左右芼之玉篇見篇引
 作現現謂擇也言春時萬物懷任當擇而取之也當見鄂本
 作當毛疑古本作現後人脫去毛旁遂作見鄂本又脫去見
 旁只作毛耳爾雅釋天以苗獵名與左氏隱五年傳同左疏

引孫炎爾雅注及周禮鄭注並以夏田為苗為擇取不孕任者若治苗去不秀實者與何義合然不若以現釋苗之較為簡捷御覽引白虎通亦云夏謂之苗何擇去懷任者也惟皆謂苗為夏田何氏所不取郭注爾雅云為苗除害就夏田釋耳然即如左傳周禮爾雅所記四時川獄皆為苗除害也豈獨夏為然哉任姁通史記鄭陽傳注紂列任者觀其胎產又方書督鰐屬陽猶脊而上至鼻任鰐屬陰循腹而上至咽女子二十任鰐通則有子秋曰蒐注蒐簡擇

也簡擇幼稚取其大者疏注蒐簡至大者○釋文作曰廋本

隙韋注蒐擇也禽獸懷任未著搜而取之也御覽引白虎通云秋謂之蒐何蒐索肥者也說苑云蒐者搜索之皆與此義

合爾雅以蒐為春獵名江搜索取不任者穀梁傳釋文蒐糜信作搜搜訓求故有簡擇之義幼稚宋本同閩本監本毛本

推改撰下同范云冬曰狩注狩猶獸也冬時禽獸長大遺獸蒐擇之舍小取大

可取不以夏田者春秋制也以爲飛鳥未去於巢走獸未離

於穴恐傷害於幼稚故於苑圃中取之疏注狩猶至可取○

放水經注及東京賦並引作薄狩于放初學記引作搏狩蓋

符本古獸字淮南覽冥訓狡蟲死高注蟲狩也漢石門頌蕙

是青徑釋賣扁公羊義疏十二

虫葬狩皆以狩作獸也詩亦當作狩故鄭箋云田獵搏獸也
 御覽引白虎通云冬謂之狩何守地而取之也說苑云狩者
 守留之惠氏棟毛詩古義云搏獸于敖水經注引云薄狩于
 敖東京賦同徐堅初學記引作搏狩按狩本古獸字故鄭箋
 云田獵搏獸也何休公羊注云狩猶獸也說文犬部狩火田
 也段注釋天曰冬獵為狩周禮左傳公羊穀梁夏小正傳毛
 詩傳皆同又釋天曰火田為狩許不稱冬獵而稱火田者火
 田必於冬王制曰昆蟲未蟄不以火田故言火以該冬也爾
 雅郭注云得獸取之無所擇詩疏引李巡云冬圍守而取禽
 無所擇也范云狩圍狩也冬物畢成獲則取之無所擇○注
 不以至取之○舊疏云正以周禮四時皆田故也按春蒐夏
 苗秋獮冬狩見周禮大司馬職禮記上制云則歲三田鄭注
 云三田者夏不用蓋夏時也彼疏引何氏廢疾云運斗糧曰
 夏不田穀梁有夏田於義為鄭釋之云四時皆田夏殷之
 禮詩云之於梁有夏田於義為鄭釋之云四時皆田夏殷之
 顯然改先王之法以教授於世若其所欲改具陰書於緯藏
 之以待後王穀梁四時田近孔子故也公羊正當六國之亡
 議緯見讀而傳為三時田作傳有先後雖異不足以斷穀梁
 也又引釋廢疾云歲三田謂以三事為田即上一曰乾豆之
 等按鄭注王制以夏不田為夏制而釋廢疾又以四時田為
 夏殷禮蓋殷周之誤惟又以歲三田為三事為田與禮注
 乖當以禮注為正劉氏逢原云鄭於王制注云歲三田者夏

不用蓋夏時也穀粟後於公羊徒據釋文公羊得之曰授非
六國時見議緯而作也漢初公羊盛行故王制據以為五
以爲夏時則無據三事田則自亂其例矣易述田事凡六爻
以卦氣言之解二月春田也師北四月夏田也離初九主夏至
日日日開輿備言治兵也師北四月夏田也離初九主夏至
以後無田冬夏至陰陽之微易重氣始義當安養屯十月成
從禽也然則春秋夏不田冬狩改於孟春皆迷廢制與夏時
周易微有損益若周官六國時書固不合也說苑云夏不田
何也曰天地陰陽盛長之時猛獸不擾驚鳥不搏蝮蠱不螫
鳥獸蟲蛇且知應天而況人乎哉是以古者必有參牢與此
義相足孔氏通義謂周禮四時皆田傳唯舉三時者諸侯之
制也禮天子備四時之祭諸侯闕其一以下於王故唯三田而
三望天子備四時之祭諸侯闕其一以下於王故唯三田而
已何邵公以為春秋之制夏不田者妄也繁露云獵禽獸者
號一曰田矣按夏不田劉向鄭康成俱有是說知非何氏朔造
繁露自承祠禘烝嘗四時祭祀之爲說蓋卽申明周禮不必
卽爲說春秋公羊先師以三田爲春秋制故漢博士據以作
王制所謂春秋爲後王法也王制明云天子諸侯非專謂侯
制可知又考孟子梁惠王篇今王制明云天子諸侯非專謂侯
之音見羽旄之美舉疾首感類而相告曰吾王之好田獵夫
何使我至於此極也趙注田獵無節以非時取獸也蓋亦指

豈青墨降賈昌

公羊義疏十二

三

夏田為非時也禮記月令季春田獵豈罟羅網畢騫歌之
 葉毋出九門孟夏之月驅獸無害五穀無大田獵王制禘祭
 魚然後虞人入澤梁豺祭獸然後田獵鳩化為鷹然後設罝
 羅昆蟲未畢不以火田皆夏不田之義國語魯語宣公夏
 於淵淵里革斷其罔而棄之曰鳥翼數明魚禁鯢鱓獸長
 虞皆即何氏恐傷幼稚意也於苑圃中取之者預畜於圃以
 備祭祀之用說苑所謂必有常事不書此何以書譏何譏爾
 秦牢者是也孔氏之說俱矣

遠也注以其地遠禮請侯田狩不過郊疏注以其至過郊○

而舊云以其去大野遠故言遠者非校勘記云當作以其去
 野太遠若然下十年冬齊侯衛侯鄭伯來戰于郎傳云郎者
 何吾近邑者蓋郎為遠郊之地故禮記檀弓云戰于郎而哀
 十一年左傳謂郊之戰別國來戰深入竟內故曰吾近邑若
 尋常川狩近郊之地皆可必勞師罷民去國遠遊故示譏焉
 杜云郎非國內之狩地故書地孔疏隱五年公矢魚于棠傳
 曰言遠地也僖二十八年天王狩于河陽言非其地也若國
 名者皆言其非地故知此郎非國內之狩地故書地也若國
 內狩地大野是也哀十四年傳西狩于大野經不書大野明
 得其常地故不書耳由此言之則狩于郎蒐于紅及比蒲昌
 開皆非常地故書地也田狩之地必有常者古者民多地狹
 唯在山澤之間乃有不殖之地故天子諸侯必於其封內擇

隙地而為之僖三十三年傳鄭之有原圃猶秦之有具圃也
是其諸國各有常處違其常處則犯害民物故書地以譏之
又云公羊說諸侯遊戲不得過郊左氏無此義要言遠者亦
是譏其失常地也按孔氏左疏甚該洽而舊疏以邠邑在郊
內其屬地在郊外若據邑言之則為遠若據地言之則為遠
不知以狩不過郊言之此則則為遠以他國來戰言之已入
竟內此即又為近也義各有當不諸侯曷為必田狩注据有
必率合二經轉迂回不可通也
圃也疏注据有圃也○舊疏云即成十八年築鹿圃之屬是
云圃有林池楚辭愍命云熊羆羣而逸圃章昭王逸注皆云
圃苑也呂覽重已篇注者禽獸取大曰苑小曰圃周禮圃人
職云掌圃遊之獸禁鄭注圃遊圃之離宮小苑觀處也掌獸
以宴樂視之彼疏引書傳云鄉之取於圃是勇力取是圃亦
為蒐狩之常處也知諸侯皆得有圃者詩靈臺云王在靈圃
傳圃所以域養禽獸也天子百里諸侯四十里成十八年注
又云天子圃方百里大國公侯十里伯七里子男五里不同
者蓋本無定制故說有歧殊也則傳意諸侯自有圃有禽獸
可取足供祭享之用而經書田一曰乾豆注一者第一之殺
狩因据為難故注云据有圃也

出自左廋射之達於右闕中心死疾解肩故乾而豆之中薦

於宗廟豆祭器名狀如鐘天子二十有六諸公十有六諸侯

十有二卿上大夫八下大夫六士三疏禮記王制云天子諸

為乾豆二為賓客三為充君之庖易比云王用三驅馬融云

一曰乾豆二曰賓客三曰充君之庖穀梁傳四時之用三

焉唯其所先得一為乾豆二為賓客三為充君之庖乾禮記

釋文云音干則讀如詩中谷有維暎其乾矣之乾謂燥也正

字亦宜作乾見玉篇○注一者至宗廟○詩車攻云大庖不

盈毛傳故自左臠而射之達于右臠為上殺以其實心死疾肉最絜美故以為

射之達於右臠為上殺以其實心死疾肉最絜美故以為

乾豆也范云上殺中心死速乾之以為豆實可以祭祀行

本偶作臠校勘記云依說文當作臠古書有作臠者从身誤

肩鄂本作累毛本作潔非按肩猶絜也故不絜謂之不肩孔

詩疏或即此注則作絜是也臠說文肉部臠牛脅後髀前

合革肉也釋文引三蒼云小腹兩邊肉段氏玉裁說文注云

他處革與肉可分剝獨此處不可分剝故也七發所謂騶牛

之腴其實凡獸皆然不專牛也廣韻云脅前蓋近脅處今人

謂馬肥為臠肥謂最薄處皮肉相合者也臠釋文云本又作

臠說文骨部臠肩前也士喪禮記即牀而奠當臠注臠肩頭

也是臠即臠字釋文引字林云肩前兩乳骨也蓋左小腹旁

耶達于右肩必貫心故死疾而鮮絜也舊疏云時王之禮古

制無文按此必有成文故毛詩傳何氏此注並依而用之古
籍散亡不可考耳王制注云乾豆謂腊之以為祭祀豆實也
孔疏豆實非脯而云乾者謂作醢及醢先乾其肉也此云乾
而豆之疑有誤字○注豆祭至如鉶○爾雅釋器云木豆謂
之豆竹豆謂之籩瓦豆謂之登郭注豆禮器也登即膏登也
禮記祭統云夫人薦豆執校執醴授之執籩注校豆中央直
者也籩豆下跗也急就章籩所以盛膏夜然燎者也其形若
杆而中施釘有柄者曰籩無柄者曰筥謂下施足也蓋豆
邊登形制皆同但有竹木瓦之殊故詩生民云印盛于豆于
豆于登明皆祭器名故毛傳云豆薦菹醢也登太羹也按說
文豆古食肉器也周禮梓人所云食一豆肉中人之食也禮
記坊記饗酒豆肉即此其祭器當作榘說文云木器謂之榘
从木豆是也籩當作算說文算禮器也讀若籩同儀禮公食
大夫禮云太羹湑不和實于籩即此其祭統之籩白足下跗
之名豆邊登三者皆有之也郭注爾雅又以膏登形狀似禮
器之登故以膏登釋之說文籩籩也楚辭招魂云蘭膏明燭
華鏡錯些是也此注云狀如籩蓋同郭義○注天子至士三
○各本作土二依鄂本正穀梁疏亦引作三自下大夫上禮
器文彼無卿字是也舊疏云其土三者何氏差也鄭注禮器
云豆之數謂天子朔食諸侯相食及食大夫公食大夫禮曰
宰夫自東房薦豆六設於醬東此食下大夫而豆六則其餘
著矣聘禮致饗饋於上大夫堂上八豆設於戶西則凡致饗

饌堂上之豆數可知周禮公之豆四十其東西夾各十二侯伯之豆三十有二其東西夾各十子男之豆二十有四其東西夾各六孔疏皇氏云天子之豆二十有六者天子庶羞百二十品薄豆各六十今云二十六者說堂上數也堂下東西夾各十七兩十七合三十四就二十六故合六十也今按禮有止羞庶羞故公食大夫禮設韭菹醯醢六豆設於醬東是正羞也庶羞設於稻南屬膳饔牛炙之等十六豆謂之庶羞又掌客云公豆四十又云食四十則豆盛正羞食謂庶羞也故鄭注掌客云食者其庶羞美可食者是庶羞與正羞別此上大夫八豆下大夫六豆皆為正羞而天子二十六豆亦為正羞故熊氏以為正羞醢醢百二十饗之等但不知堂夾若為陳列皇氏以為庶羞其義非也鄭引公食大夫禮以證下大夫六豆之義下大夫六豆設於堂上則天子之豆二十有六諸公十有六諸侯十有二亦設於堂上矣聘禮致饗餼於上大夫堂上八豆西夾六豆東方亦如之是堂上東西夾各設其豆東西夾又減於堂上之數上公堂上十六豆故知東西夾各十二侯伯堂上十二故知東西夾各十子男堂上十二故知東西夾各六也按豆數見之掌客其陳于堂上及東西夾則鄭氏以義言之也經義述聞云山公而侯而上大夫皆降殺以四而由天子而公則降殺以十多寡不齊天子與諸公為君臣循諸侯與上大夫也諸侯多於上大夫四豆而天子多於諸公乃十豆增減之例亦不相準疑亦作天子之

豆二十因下文諸公十有六遂衍有六二字二十者五四之
 合數也故其降殺以四四得十六故諸公十六三四得十
 二故諸侯十有二四得八故上大夫八下大夫再命但卑
 於上大夫一命故降殺以四之半而六也若二十六則既多
 於四六之合數而又少於四七之合數將何以爲降殺之本
 與公羊注蓋亦後人據誤木禮記加之也鄭注以此豆數以
 堂上之豆說曰周禮公之豆四十其東西夾各十有二侯伯
 之豆三十二其東西夾各十子男之豆二十四其東西夾各
 六是鄭稽合周禮禮器之豆數也天子之豆周禮雖不言其
 數然公以下之豆皆登降以八則由公豆而登之天子之豆
 當四十有八而在堂上者二十東西夾各十有四其數正相
 合也若謂堂上之豆二十有六則東西夾各十有一十而餘
 一非鼎俎奇而籩豆偶之義矣陸佃說以醢人四豆曰天子
 朝事八豆饋食八豆又加豆八羞豆二所謂二十有六按醢
 人注朝事爲薦血腥之祭饋食爲薦孰之祭此天子之豆不
 云宗廟之祭則非指祭祀言之故鄭注謂天子朔食諸侯相
 食及食大夫也陸說似是而非此說乾豆爲祭事何氏引禮
 器文者特因豆廣言之不必卽以此豆數爲祭品也宋本作
 士三似不如作士二爲是籩豆偶故也上下大夫尊
 卑相近故降殺以兩士卑于大夫故亦降殺四也 二曰賓

客注二者第二之殺也自左臚射之達於右脾遠心死難故

以為賓客疏注二者至賓客釋文作左脾云方爾反又步

股之脾非脾肺之脾何注脾字二見皆當作脾按說文肉部

脾土臧也無所謂左右骨部脾股外也肉部股脾也又大部

牽兩脾之間也則脾為股外骨名故得有左右沈氏形釋骨

云股髀骨旁臨兩股者曰堅骨曰大骨曰髀一身之屈伸司

馬故通曰機關之旁曰脾樞亦曰樞機者脾骨之入樞者

也在膝以上曰脾骨曰股骨其直者曰樞其斜上俠饋者則

所謂機也由左臆達右脾遠心死稍運肉已不及一段之鮮

絮故以為賓客也詩車攻傳云射右耳本次之箋云射當為

達孔疏次殺右耳本當自左肩髀也不言自左舉下殺之射

左髀可推而知也與此微異范云次殺射髀髀死差遲與何
氏合為賓客者為三曰充君之庖注充備也庖廚也三者第
賓客之俎實也
三之殺也自左臆射之達於右膈中腸胃汚泡死遲故以充
君之庖廚已有三牲必用狩者孝子之意以為己之所養不
如天地自然之牲逸豫肥美禽獸多則傷五穀因習兵事又
不空設故因以捕禽獸所以其承宗廟示不忘武備又因以

為田除害狩例時此月者譏不時也周之正月夏之十一月

陽氣始施鳥獸懷任草木萌芽非所以養微疏注充備也○小爾雅廣言

云充備也○注庖厨也○廣雅釋室云庖厨也王制注庖今

之厨也說文广部庖厨也○注三者至庖厨○校勘記云臚

宋本岡木同毛本作臚誤得各本亦作臚俗字選各本作選

詩車攻傳云射左體達於右肅為下殺校勘記云五經文字

肅羊紹反見春秋傳又作肅見詩見春秋傳者即指公羊此

注也見詩者指毛詩車攻傳也今詩傳作肅此注作肅皆肅

字形近之訛作肅从肖故音羊紹反毛詩音義字書無肅字

當本作肅與張參所据春秋傳正合然則毛詩傳公羊注皆

集韻肅韻同以紹切則丁度等所据作肅矣集韻無肅字五

經文字注中肅乃肅之誤詩音義肅字亦肅之誤按詩釋文

云肅餘繞反又胡可反謂水兼也字書無此字一本作肅音

羊紹反又羊招反呂忱子小反此傳釋文云右肅羊紹反字

林子小反一本作肅音賢韻與肅俱不得音羊紹反當依詩

釋文所引一本作肅似為近之臚為脅後肉自左脅後達右

脅後適中腸胃汚泡死最遲肉故惡故充君之庖也范云下

殺中腸汚泡死最遲先宗廟次賓客後庖厨尊神敬客之義

按今公羊釋文作肅亦誤肅不得音羊紹反故校勘記云肅

當作簡也。注已有至除害。皆書大傳文見儀禮集傳集
 注引三牲謂牛羊豕。下八年注云天子諸侯廟大夫牛羊豕
 凡三牲曰太牢是也。釋文捕本又作搏音博。按當作搏禽。說
 御覽引韓詩內傳曰春曰畋夏曰搜秋曰獮冬曰狩。天子抗
 大綏諸侯小綏羣下獻禽。其下天子親射之。門夫田獵因
 以講道義習武簡兵也。說苑修文云其謂之畋何。聖人舉事
 反本五穀者以奉宗廟養萬民也。去禽獸害稼穡者故以田
 言之。聖人作名號而事義可知也。後漢書陳蕃傳臣聞人君
 事於苑囿唯仲秋西郊順時講武殺禽助祭以敦孝敬。御覽
 引白虎通云王者諸侯所以田獵何。為田除害上以共宗廟
 下以簡集士眾也。續漢志引蔡邕月令章句云寄戎事之教
 於田獵武事不空設必有以誠故奇教于田獵。閑肆五兵焉
 又書鈔引白虎通云王者祭宗廟親自取禽者何。尊重先祖
 必欲自射加功力焉。穀梁秋蒐于紅傳云因蒐狩以習用武
 事禮之大者也。艾爾以為防置旃以為核門以葛覆質以為
 繫流旁握御擊者不得入車軌。摩馬候蹄掄禽旅御者不失
 其馳然後射者能中過防弗逐不從奔之道也。而傷不獻不
 成禽不獻禽雖多天子取三十焉其餘與士眾以習射于射
 宮射而中田不得禽則得禽用得禽而射不中則不得禽是
 以知古之貴仁義而賤勇力也。注狩例時。舊疏云節莊
 四年冬公及齊人狩于郟。僖二十八年冬天王狩于河陽是
 也。注此月至養微。公羊問答云易通卦驗曰十一月廣

莫風至則藹夜于生月令仲冬日短至陰陽爭諸生蕩芸始生務擬出後漢書陳寵傳云冬至之節陽氣始萌故十月一月有藹射于芸蒞之應天以爲正周以爲春此可見三代時月相變而宋儒夏時冠月之說不足據按冬夏至陰陽之微五者順時舉事故以養微爲重也若然夏小正十一月王狩周禮仲冬遂以狩田者彼當王之制此春秋制也故書月以讓不時與舊疏云在哀十四年孔子欲夏之孟冬以爲田狩之月

夏天王使宰渠伯糾來聘

宰渠伯糾者何天子之大夫也其稱宰渠伯糾何注据劉卷

卒氏采不名且字

疏

惠氏棟方傳補注云案渠周邑昭二十

然則伯糾蓋氏於邑者○注据劉至且字○見定下大夫也四年劉其氏卷其且字不名也据以難稱伯義也

注天子下大夫繫官氏名且字繫官者卑不得專官事也稱

伯者上敬老也上敬老則民益孝上尊齒則民益弟是以王者以父事三老兄事五更食之於辟雖天子親袒而割牲執

器而饋執爵而酬冕而總干率民之至也先王之所以治天

下者有五貴有德為其近於道也貴臣貴其近於君也貴老

貴其近於父也敬長貴其敬於兄也慈幼貴其近於子弟也

禮君於臣而不名者有五諸父兄不名經曰王札子是也詩

曰王謂叔父是也上大夫不名祭伯是也盛德之士不名叔

并是也老臣不名宰渠伯糾是也下去二時者桓公無王而

行天子不能誅反下聘之故為貶見其罪明不宜疏注天子

以其為老臣也且字見儀禮注禮記注又見公羊宣十五年

注定四年注疏家多不解其義如言仲山甫山甫為且字合

仲乃為字周制如此故公羊糾札卷不連伯仲皆且字也此

雖言伯糾而注云且字則專釋糾也下方釋伯耳則注名字

疑衍渠非名也繫官氏官謂宰氏謂渠也段氏玉裁經韻樓

集云各本於且上衍一名字疏云渠是名然則下文云老臣

不名宰渠伯糾是也作何解乎此由淺人不解且字之惰因

添名字於此謂渠是名糾是字名而又字故曰名且字而不
省注明言不名也且二百四十四年有一人名字兼書者乎
上文注據劉卷氏宋不名且字氏宋者劉也卷者不名且其
且字也此則且字上稱伯為異按說文且疏引音義隱云且假
借也曲禮有天王某甫注某甫且字也疏引音義隱云且假
借此字也雜記疏檀弓云五十以伯仲是正字二十之時曰
某甫是且字言且為之立字經韻樓集又云凡承藉於下曰
且凡冠而字之祇一字耳必五十以後以伯仲故下一字所
以承藉伯仲也言伯某仲某是稱字單言某甫是稱其且字
若韓非於孔子單言尼蓋五十以前事也此注家且字之說
也鄉飲酒禮某子受酬注某者眾寶姓也同姓則以伯仲別
之又同則以且字別之言同姓之中有伯仲伯仲同者則呼
某甫也又少半饋食禮皇祖伯某注伯某且字也士喪禮父
某甫注某甫且字也若言山甫孔甫又曲禮有天王某甫注
某甫且字也又檀弓烏乎哀哉尼父注因且字而為之諡又
雜記陽童某甫注某甫且字也特牲篇某子之某為伯仲故
注稱祖字少半篇伯某之某為某甫故注稱且字義各有當
也若士虞禮適爾皇祖某甫注云某甫且字也若言尼甫正
與士喪禮檀弓雜記注文一律今各本譌為某甫皇祖字也
此淺人傳寫之誤又公羊宣十五年注云札者冠且字也定
四年桓四年皆言且字皆置伯仲單言某甫與鄭注無不合
坊記其死曰孟子卒注孟子蓋其且字此蓋謂經之孟猶男

公羊義疏十二

上

子之伯仲經之子猶男子之某甫諱娶同姓故書字也按且
 猶言藉也冠後稱伯某甫叔仲季唯其所當不當單稱伯仲
 故以甫字藉之若言承藉之義音義隱之作此讀孔疏言且
 為之作字皆屬誤解○注繫官至事也○周禮天官之屬有
 大宰小宰宰夫太宰卿小宰中大夫宰夫視太宰小宰卑故知
 夫與六官之屬皆大事則從其長宰夫視太宰小宰卑故知
 不得專官事也左氏以糾為名傳曰父在故名疏引何氏膏
 育以為左氏宰渠伯糾父在故名仍叔之子何以不名又仍
 叔之子以為父在稱子伯糾何以父在不稱子鄭箴之曰仍
 叔之子譏其幼弱故略言子不名之至於伯糾能堪聘事私
 觀又不失子道故名且字也按伯糾之能堪聘事與否三傳
 無文不足以難何氏左傳明云故名而鄭氏以為名且字亦
 非左氏義劉氏逢祿詳云左氏此條亦譌劉歆不解天子下
 大夫名且字之例妄生異說○注稱伯糾至益弟○莊二十五
 年陳侯使女叔來聘注稱字者敬老也禮七十雖庶人主孝
 而禮之繁露為人者篇難天子者必有尊也教以孝也必有先
 也教以弟也此威勢不足獨恃而教化之功不大乎禮記大
 學云上老老而民興孝上長長而民興弟鄭注老老長長謂
 尊老敬長也又祭義云立愛自親始教民睦也立敬自長始
 教民順也教以慈睦而民貴有親教以敬長而民貴用命又
 云虞夏殷周天下之盛王也未有遺年者年之貴乎天下久
 矣次乎事親也鄭注言其先老也是也○注是以至至也○

各木饋作餽依宋本正釋文作而饋禮記祭義云是故至孝
近乎王至弟近乎蒞至孝近乎王雖天子必有父至弟近乎
蒞雖諸侯必有兄注天子有所父事諸侯有所兄事謂若三
老五更也又云食三老五更於太學天子袒而割牲執醬而
饋執爵而酌冕而總干所以教諸侯之弟也注割牲制俎實
冕而總干親在舞位以樂侑食也教諸侯之弟也注割牲制俎實
記亦云食三老五更于太學天子袒而割牲執醬而饋執爵
而酌冕而總干所以教諸侯之弟也注割牲制俎實
之時天子親割也執醬而饋謂食之時親執醬而饋也注
而酌謂食罷親執爵而酌之也注白虎通鄉射云王者父事三
老兄事五更者何欲陳孝弟之德以示天下也故雖天子必
有尊也言有父也必有先也言有兄也天子臨辟雍親割
牲尊三老父象也注謂者奉几杖投安車輿輪供綏執授兄事
五更寵接禮交加客謙做順貌也禮記祭義曰祀于明堂所
以教諸侯之孝也享三老五更于太學所以教諸侯之弟也
不正言父兄言老更者老者壽考也欲言所令者多也更者
更也所更歷者眾也即如是不但言老言三何欲其明於天
地人之道而老也五更者欲其明於五行之道而更事也三
老五更幾人乎曰各一人何以知之既以父事父一而已不
宜有三又王者不臣云不臣三老五更者欲率天下為人子
弟禮曰父事三老兄事五更禮記文王世子遂設三老五更
羣老之席位焉注三老五更各一人也皆年老更事致仕者
公羊義疏十二

禮記卷之四十五 公羊義疏十二

也天子以父兄養之示天下之孝悌也其禮亡以鄉飲酒禮
 言之席位之處則三老如賓五更如介羣老如衆賓又文王
 世子云適饌省醴養老之珍具遂發詠焉退修之以孝養也
 注親視其所有退修之謂既迎而入獻之以禮獻畢而樂闕
 獨斷云天子父事三老者適成於天地人也兄事五更者訓
 于五品也更者長也更相代至五也能以善道改更已也又
 三老老謂久也舊也壽也皆取首妻男女完具者古者天子
 親袒割牲執醬而饋三公設几九卿正履使者安車轆輪送
 迎而至其家天子獨拜於屏其明且三公詣闕謝以其禮過
 厚故也又五更或為叟叟老稱與三公同義也○注先王至
 弟也○禮記祭義文注云言治國有家道彼文貴貴者敬
 長慈幼下貴字皆作為貴臣作貴貴近於父作近於親子下
 無弟字○注禮君至是也○校勘記云王謂未本闕本同監
 本毛本謂改曰非禮記明堂位注亦作王謂叔父當據韓魯
 詩何所據詩多與毛鄭異鄭禮記亦與箋詩本異也舊疏云
 有何氏之意故皆取經以當之王札子者宣十五年傳云王
 札子者何長庶之號也注天子之庶兄札者冠且字也禮天
 子庶兄冠而不名所以尊之是也所引詩見魯頌閟宮彼云
 子曰叔父建爾元子俾侯于魯成王稱周公語也祭伯者隱
 九年傳云祭伯者何天子之大夫也是也叔胙者宣十七年
 注云稱字者賢之宣公篡立叔胙不仕其朝不食其祿終身
 於貧賤故孔子曰篤信好學守死善道危邦不入亂邦不居

天下有道則見無道則隱此之謂也是也白虎通王者不臣
云王者臣有不名者五先王老臣不名親與先王戮力共治
國同功於天下故爵而不名也尚書曰咨爾伯不言名也不
名者貴賢者而已共成先祖功德德加於百姓者也春秋單
伯不言名傳曰吾大夫之命于天子者也盛德之士不名尊
賢也春秋曰公弟叔肸諸父諸兄不名諸父諸兄親與已父
兄有敵體之義也詩云王曰叔父春秋傳曰王札子何長庶
之稱也不名盛德之士者不可屈以爵祿也說苑臣術云湯
曰何謂臣而不名伊尹對曰君之所不名臣者四諸父臣而
不名是謂大順也無上大夫按班氏據尚書咨爾伯以證老臣
不名何氏說公羊故據宰渠伯糾言也按禮記月令云聘名
士鄭注名士不仕者疏引蔡邕章句云名士者謂其德行真
純道術通明王者不得臣而隱居不仕者也即此盛德之士
也叔肸釋文作叔肸閩本監本毛本作肸按說文此字正作
肸从十从舟○注下去至不宜○春秋正義云程子曰人理
滅矣天運乖矣陰陽失序歲功不具矣故不具四時書曰今
其有今罔後汝何生在上其不具於是年何也其諸以朝聘
之者與按隱七年天王使凡伯來聘注云書者喜之也古者
諸侯有較德殊風異行天子聘問之今桓公無王而行王法
所當誅今反下聘賞罰乖方
有春夏而無秋冬之象也

五年春正月甲戌己丑陳侯鮑卒

易為以二日卒之愷也注愷者狂也齊人語疏校勘記云愷

同釋文作愷呼述反按愷字當作愷字之誤也廣雅釋詁云

愷怒也又釋訓愷愷亂也曹憲音呼述反今亦誤作愷禮運

故鳥不矯故獸不狘注矯獸皆飛走之貌也釋文狘况越反

也皆从戊不誤按釋文亦音呼述反則陸本亦當从戊作狘

○注愷者至人語○白虎通考云諸侯嗜聲賊楚惡疾不

免黜者何尊人君也春秋曰甲戌己丑陳侯鮑卒傳曰甲戌

之日亡己丑之日死而得有狂易之病董亡而死由不絕也

是愷為狂也按說文犬部載獸走貌禮運疏我驚走也人發

狂多驚而飛走故曰狂易者輕辭文十二年傳俾君子易

怠注易怠猶輕恂是也正字作傷說文人部傷輕也是也惠

氏士奇春秋說云或曰兩日之間有闕文我未之前聞也公

穀皆有師傳本之子夏必非臆說公羊謂以甲戌之日亡已

丑之日死而得漢儒謂有狂易之疾董亡而死故甲戌日亡

莫知所在已丑日乃得其屍說者謂匹夫或有之入君必不

然愚謂病而發狂在何有貴賤古者諸侯嗜聲賊楚惡疾皆不

免所以尊君唯世子有惡疾則廢陳侯非惡疾乃病狂亦謂

之真疾病狂之人不可以君國子民陳之臣子當告之於王

免之而立其子則安得有陳佗之亂乎故春秋如其再赴之
日而書之蓋言君死不知其日所以罪其臣也史記田齊世
家云桓公病蔡人爲佗殺桓公鮑及太子免而立佗是爲厲
公與此不合按左傳亦無殺桓公事陳杞世家亦但言蔡人
爲佗殺五父及桓公太子免而立
佗亦不言桓公被殺均與左傳違

而得君子疑焉故以二日卒之也注君子謂孔子也以二日

卒之者闕疑疏通義云惠氏說死而得者言得其屍也古通

亦或屍之壞字傳寫者脫去尸字與注君子謂孔子舊

疏云正以哀十四年傳云君子曷爲爲春秋故也注以二

至闕疑繁露觀德云甲戌已丑陳侯鮑卒書所見也而不

言其闕者穀梁傳何爲以二日卒之春秋之義信以傳信疑

以傳疑陳侯以甲戌之日出已丑之日得不知死之日故舉

二日以包之也正月書甲戌已丑甲戌爲月之二十一日已

丑爲二月之七日傳云曷爲以二日卒之誠也甲戌之日亡

已丑之日死君子疑焉故以二日卒之然則經不別月者傳

疑之辭焉按甲戌已丑相距十六日若是再赴陳人不應謬

妄若此當以此傳爲正范氏說穀梁以爲辟病潛行未知所

聞世也春秋於所傳聞所聞世闕疑皆據魯史舊文如陳侯

公羊義疏十二

三

鮑卒以二日夏五無月
郭公繫曹下皆是也

夏齊侯鄭伯如紀

外相如不書此何以書注据蔡侯東國卒于楚不言如也疏

注据蔡至如也○舊疏云在昭二十三年夏按襄二十六年

詩男甯卒于楚在蔡侯之前而不據之者利取一以當之不

以後見義或者以蔡是離不言會也注時紀不與會故略言

大國齊之類故取之如也春秋始錄內小惡書內離會略外小惡不書外離會至

所聞之世著治升平內諸夏而詳錄之乃書外離會嫌外離

會常書故變文見意以別嫌明疑疏繁露奉本云大國齊宋

按鄭伯爵得為大國者春秋之初鄭莊號為強盛時與齊宋

諸國會盟征伐故也鄭注曲禮離坐離立云離兩也兩相麗

謂之離玉篇作部離兩也兩國相會故曰離會○注時紀至

如也○上二年蔡侯鄭伯會于鄭傳離不言會此其言會何

蓋鄭與會爾明紀若與會則非離會當書齊侯鄭伯會于紀

矣通義云紀與會則為參紀不與會則為離參則可曰齊侯

鄭伯會于紀離則不可曰會于紀故變文以明之此即對蔡侯鄭伯會于鄆發傳唯為就人國都而會者須分別主人與不與故作此例若齊侯宋公會于挑洸既非國自無所嫌離亦言會矣左傳謂齊侯鄭伯朝于紀欲以襲之紀人知之明紀人不與唯謂朝紀則非齊鄭時皆強大無朝紀之理則會于紀者為是○注春秋至離會○舊疏云即隱二年公會戎子潛是也按彼注云所傳問之世外離會不書書內離會者春秋王魯明當先自詳正又隱十年注所謂內無大惡乃可治諸夏大惡是也○注不書外離會○舊疏云即此文變會言如是也隱二年注躬自厚而蒞責於人故略外也○注至所至離會○舊疏云即宣十一年晉侯會狄于攢函是也隱元年注於所聞之世見治升平內諸夏而外夷狄書外離會宣十一年秋晉侯會狄于攢函是也○注嫌外至明疑○舊疏云若不載此事以略言如則嫌所傳聞世合書外離會但偶無之耳故曰嫌外離會常書也故書而變其文見所傳聞世不書外離會之意故曰變文見義所以別其嫌而明其疑也按常書疑是當書之誤

天王使仍叔之子來聘

仍叔之子者何天子之大夫也

疏詩節南山疏云雲漢序云仍叔箋引桓五年仍叔之

子來聘春秋時趙氏世稱孟智氏世稱伯仍氏或亦世字叔也自桓五年上距宣王之卒七十六歲若當初年則百二十歲矣引之以證仍叔是周大夫耳未必是一人也穀梁作任仍任音近晉書地理志新補正仍下注云沅案毛萇詩序雲漢仍叔美宣王也仍氏世為周大夫古仍任通用昭二其稱十二年王師軍于汜于解次于任人當即仍叔之仍也其稱仍叔之子何注据宰梁氏官武氏子不稱字又不加之尹氏

不稱字疏此謂仍叔是字武氏子不稱字也宰梁氏官見上

四年武氏子不稱字見隱三年武氏子來求聘是也尹氏不稱字亦見隱三年書尹氏卒是也譏何譏爾譏

父老子代從政也注禮七十縣車致仕不言氏者起父在也

加之者起子辟一人疏通義云譏父老子代從政者亦譏世

仕故謂致仕為老左傳曰桓公立乃老又曰范武子將老又

曰祁奚老矣按左九年左傳曹太子來朝賓之以上卿彼疏

引何君膏肓云左氏以人子安處父位尤非衰世救失之宜

於義為短鄭箴之云必如所言父有老耄罷痛執當理其政

預王事也知不然者年老廢疾可以傳事子孫故周禮典命

有攝其君之制若父仍在位而子安然代其任非所宜也然

此斥天子諸侯言若卿大夫則世卿執政春秋所譏應如孔氏所云也穀梁傳任叔之子者錄父以使者也故徵其君臣而著其父子不正父在子代仕之辭也亦即讓父老子代從政之義故范云君閭劣於上臣苟進於下蓋參議之也左氏直云弱也疏引蘇氏用公羊穀梁之說以為父老來聘非父沒○注禮七至致仕○舊疏云春秋說文謂之縣與者淮南子云日至於悲谷是謂嘯時至於淵隅是謂高春至於連石是謂下春至於悲泉爰止其女爰息其馬是謂縣與舊說云日在縣與一日之暮人年七十亦一世之暮而致其政事於君故曰縣與也亦有作車字者然則疏本作縣與矣釋文本作縣車盧氏文弼云淮南子作縣車初學記類聚引同按白虎通致仕篇云臣年七十縣車致仕者臣以執事適老職七十陽道極耳且不聰明跛踦之屬是以退老去避賢者路所以長廉遠恥也縣車示不用也致事者致其事於君君不使退而自去者尊賢者也故曲禮曰大夫七十而致仕王制曰七十致政則縣車自謂縣車不用舊疏未可從也隸釋載侯成碑縣與養神與舊疏本同按今曲禮作致事鄭注致其所掌之事於君而告老疏七十曰老在家則傳家事於子孫在官則致所掌職事還君退還田里也不云置而云致者置是廢絕致是與人明朝廷必有賢代已也按作仕亦通○注不言至在也○舊疏云言仍氏之子則與武氏子文同嫌亦無父故曰起父在按若言仍氏之子仍氏係其世稱仍叔乃

其父字不著仍叔故無由見父在也○注加之至一人○舊疏云若言仍叔子則與倍三十三年百里子楚叔子類是一人故曰加之者起子辟一人

葬陳桓公注不月者貴臣子也知君父有疾當營衛不謹而失

之也傳曰葬生者之事疏注不月至之也○舊疏云正以卒

決之營衛者史記黃帝紀以師兵為營衛止義云環繞軍兵

為營以自衛守護君父之疾若營衛然也禮記曲禮云君有疾飲藥臣先嘗之親有疾飲藥子先嘗之又記父母有疾云

冠者不櫛行不削言不情琴瑟不御諸節矧君父有狂疾尤宜營衛之也今不謹而失之故不月以為無臣子也所以深責之也○注傳曰至之事○隱十一年傳文

城祝丘疏大車事云杜云魯地莊四年夫人姜氏享齊侯于祝

里水經注沐水篇沐水又南逕東海即已縣故春秋之祝丘也桓五年城祝丘齊氏召南考證云杜注不言祝丘所在漢

地志東海郡即丘孟康曰古祝丘齊之即丘故城在沂州東

南五十里一統志即丘故城在沂州臨沂縣東南春秋曰祝丘惠氏棟左傳補注云司馬彪郡國志琅邪即丘春秋時曰祝上闕駟十三州記曰即祝魯之音蓋字承讀變

秋蔡人衛人陳人從王伐鄭

其言從王伐鄭何注據河陽舉王狩別出朝文不連王王

師不道所加疏注據河至連王○僖二十八年云天王狩于

衆之彼別言公朝不連上王文故據以難之○杜王師不道

所加○舊疏云成元年王師敗績于貿戎不道伐某今言伐

鄭故從王正也注美其得正義也故以從王征伐錄之兼起

時天子微弱諸侯背叛莫肯從王者征伐以善三國之君獨

能對天子死節稱人者刺王者也天下之君海內之主當秉

綱撮要而親自用兵故見其微弱僅能從微者不能從諸侯

猶莒稱人則從不疑也不使王者首兵者本不為王舉也知

實諸侯者以美得正疏注美其至錄之○詩衛風伯兮序云

而不反焉箋云衛宣公之時蔡人衛人陳人從王伐鄭伯也

為王前驅久故家人思之疏引鄭志鄭答臨頌引公羊之文

言諸侯不得專征伐有從天子及伯者之禮審是則諸侯從
 王征伐得正義也明矣○注蓋起至死節○詩疏引服虔云
 言人者時陳亂無君則三國皆大夫也故稱人則左氏家以
 此稱人為實錄也按詩伯兮云伯兮今竭兮傳伯州伯也卽九
 州之伯所謂牧也明衛侯親行故以過時讓宣公也孔疏以
 爲州里之伯非知衛得爲伯者詩邶風旄丘責衛伯也箋云
 衛康叔之封爵稱侯今日伯者時爲州伯也時陳亂已定亦
 必陳君親行若如左氏國人分散則君沒正期且不能赴誰
 爲執政而與師動衆從王乎漢書劉向傳云諸侯背叛周室
 卑微正謂平桓之世也左傳云王奔鄭伯政鄭伯不朝又隱
 十年云宋公不王又史記楚熊通僭號稱王皆天子微弱諸
 侯背叛事也○注稱人至諸侯○繁露王道云天子微弱諸
 親也言天子當命方伯致討不宜親行也又云伐鄭不能從
 亦言僅能從微者不能從諸侯也穀梁傳舉從者之辭也疏
 引徐逸云舉從者之辭謂王不能以威致三國三國自以義
 從耳與公羊義相足○注猶莒至探也○隱八年公及莒人
 盟于包來傳云曷爲與微者盟稱人則從不疑也注從者隨
 從也實莒子也言莒子則嫌公行微不自諸侯不肯隨從公
 盟而公反隨從之故使稱人則隨從公不疑矣亦如桓王微
 弱僅能從微者稱人則不嫌不從也穀梁傳爲天王諱伐鄭
 也注諱自伐鄭又云鄭同姓之國也在乎冀州於是不服爲
 天子病矣注親近猶不能服則疎遠者可知○注不使至舉

也○舊疏云若使王者首兵宜言王以蔡人衛人陳人從王
伐鄭似若僖二十六年公以楚師伐齊取穀然按能左右之
日以蔡衛陳本自行從王所以故不得使王者首兵也○注
知實至得正○通義云以人從己曰以己從人曰從言從
王者若諸侯畏威服義不召而至不令而行有征而無戰深
爲尊者諱以酈王義焉不稱天者亦所以起縞葛之敗也天
子親在行陳矢集於肩王師敗績于貿戎猶可言也王敗績
于縞葛不可言也故貿戎質言之以窮世變之極從王伐鄭
文言之君子之情猶不欲王道之見熄遠也揀書從王以美
得正知實諸侯非大夫大夫以陪臣而擅用兵從王不正甚
矣公羊之義王夷君獲不言師敗績故此經但書伐鄭而已
祝聘射王事公羊恐亦有是說也惜公羊外傳諸書不可見
耳

大雩

大雩者何旱祭也注雩旱請雨祭名不解大者祭言大雩大

旱可知也君親之南郊以六事謝過自責曰政不一與民失
職與宮室榮與婦諷盛與苞苴直行與讒夫倡與使童男女各

八人舞而呼雩故謂之雩不地者常地也疏注雩旱至知也

若國大旱則帥巫而舞雩鄭注雩旱祭也穀梁定元年傳雩

者為旱求者也求者請也左傳龍見而雩後漢書注引服注

雩者遠也遠為百穀求膏雨也服據雩祭之常言杜亦云建

己之月蒼龍宿之體昏見東方萬物始盛待雨而大故祭天

違為百穀求膏雨此著大雩於秋明旱祭矣左疏引賈逵云

言大別山川之雩蓋以諸侯雩山川魯雩上帝故稱大與何

義別禮記月令五月大雩帝鄭注雩之正當以四月凡周之

秋五月之中而旱亦修雩祀而求雨因著正雩於此月失之

矣即公羊因旱求雨之說破之也左疏引顧氏以為龍見即

五月未免強改天宿奉合月會矣白虎通災變云日食大水

則鼓用牲于社大旱則雩祭求雨非苟虛也助陽賁下求陰

之道也繁露精華云大雩者何旱祭也此也漢書五行志云

庶徵之恆陽劉向以為春秋大旱也其夏旱雩祀謂之大雩

不傷二穀謂之不雨是祭言大雩大旱可知子政謂穀梁是

公穀義合穀梁疏引考異鄭云三時唯有禱禮無雩祭之事

唯四月龍星見始有常雩耳然則四月行常雩之祭此後遇

大旱則祀天以求雨謂之大雩言大以別乎常也賈以為別

乎山川言大者失之○注君親至偕與○監本毛木榮作崇

非荀子大略篇王伯厚詩攷韓詩引此並作榮磚疏亦以為

韓詩傳文月令疏引考異鄭云諸侯禱封內山川緯書所載

魯僖公請山川者故無常處其南郊猶為雩祭也尸子云湯之救旱也素車白馬布衣身縵白茅以身代牲禱曰政不節與民失職與苞苴行與彘夫倡與女謁盛與宮室崇與帝王世紀湯大旱七年齋戒剪髮櫛爪禱于桑林以六事自責說苑君道云政不節耶使人疾耶苞苴行耶讒夫昌耶宮室營耶女謁盛耶何不雨之極也言未已而天大雨蓋湯因大旱以六事自責後代人君因放而行之焉舊疏云政不一者謂政不專一出自權臣門也民失職者謂廢其農業宮室榮者謂若丹楹刻桷之屬婦謁盛者謂阿諛亂國苞苴行者謂受人之饋政以賄成讒夫倡者謂若魯任鄭驥○注使童至之雩○爾雅釋訓云舞雩也郭注雩之祭吁嗟而請雨彼釋文引孫炎注云雩之祭有舞有號周禮女巫巫云早暎則舞雩鄭注使女巫巫舞早祭祭陰也疏引鄭答臨頌難云董仲舒曰雩求雨之祭吁嗟之歌何休公羊注男女各八人舞而呼雩故謂之雩是鄭以何氏此注專釋早祭矣按雩呼皆疊韻為訓故鄭氏祭法注雩之言吁嗟也周禮疏引考異鄭云雩者呼嗟求雨之祭也舊疏引論語云冠者五六人童子六七人明魯人正雩故其數少復不言男女此書見於經非正雩若為早甚作之故其數多又兼男女矣是以司巫職曰因大旱則率巫以舞雩春秋說云冠者七八人童子八九人者蓋是天子雩也按論衡明雩云曾皙對孔子言其志曰暮春者春服既成冠者五六人童子六七人浴乎沂風乎舞雩詠而

儀禮卷之九
饋孔子曰吾與點也魯設雩祭於沂水之上暮者晚也春謂四月也春服既成謂四月之服成也冠者童子雩祭樂人也浴乎沂涉沂水也象龍之從水中出也風乎舞雩風歌也詠而饋詠歌饋祭也歌詠而祭也按論衡所記必是漢世語先師舊說亦當指常雩之儀若因旱而雩則男女皆有故周禮有女巫之職也繁露求雨篇按五行之數春用小童八人夏用壯者七人季夏用丈夫五人又老者五人秋用鰥者九人冬用老者六人又云四時皆以庚子之日命吏民夫婦皆偶處凡求雨之大體丈夫欲藏匿女子欲和而樂又樂緯稽羅嘉云凡求雨男女欲和而樂皆與此異周禮疏引考異邲云雩者呼嗟求雨之祭按夏之四月是雩之正為純陽之月陽氣正盛祭五精帝兼及山川百辟鄉士雖不早亦雩其用之冬春夏為夏時之八月至三月雖旱亦不雩以不為災也故鄭云周冬及春夏無雩也若自仲夏以後至於仲秋季秋旱則亦行雩祭所謂呼號之祭也仍不雨則有禱禮焉禮漢志注引服虔云大雩夏祭天名能見而雩龍角亢也謂四月昏龍星體見萬物始盛待雨而大故雩祭而求雨一說大雩者祭於帝而祈雨也一說郊祀天禮農事雩祭山川而祈雨也皆與此別繁露求雨篇載其祝辭曰昊天生五穀以養人今五穀病旱恐不成實敬進清酒時脯再拜請雨雨幸大澍也月帝如注云天子雩上帝諸侯以下雩上公以彼經云乃

命百縣雩祀百辟卿士有益於民者注百辟卿士古者上公
若句龍后稷之類故以為王侯異制也其禱禮亦不同月令
疏引考異云天子禱九州山川諸侯禱封內大夫禱所食
邑又信公三時不雨帥羣臣禱山川以過自護是也月令疏
云凡雩必先禱此經乃命百縣祈祀山川百源始大雩帝是
也禱者不雩倍二年冬十月及三年春正月夏四月直為禱
祭不為雩以非雩月故不雩也然則諸侯以下不雩上帝魯
得雩上帝者以成王賜魯以天子之禮樂故明堂位有祀帝
于郊之禮也○注不地至地也○水經注沂水篇雩門南隔
水有壇曾點所謂風乎舞雩即其處也通典注引阮謏云壇
在己地按衛宏漢儀稱魯人為雩壇在城東南諸儒所說皆
云壇而又作壇又論語樊遲從遊於舞雩之下衛宏所說皆
城東南舊壇猶存焉按祭天皆於南郊如團丘郊雩明堂皆
然故此注云君親之南郊郊特牲云兆于南郊就陽位也然
則魯之雩門其為南門與鄭月令注雩帝謂然則何以不言
為壇南郊之旁雩玉精之帝配以先帝是也然則何以不言
早注據日食鼓用牲于社疏注據日至于社○見莊二十五
牲于社此不言早直言雩則早見言早則雩不見注從可知
言大雩故据難之

故省文也日食獨不省文者與大水同禮若但言鼓用牲則

不知其所為必見焉者善其能戒懼天災應變求雨憂民之

急也疏注從可至文也○經言大雩故知大旱從省文例不

彼言大旱者皆主議不雩矣穀梁說云雩得雨曰雩不得雨

曰旱見傳十一年傳與此殊彼注引何氏廢疾云公羊書雩

者善人君應變求索不雩則言旱旱而不害物言不雨也就

如穀梁設本不雩何以明之如以不雨明之設旱而不害物

何以別乎鄭釋之曰雩者夏祈穀實之禮也旱亦用焉得雨

書雩明雩有益不得雨書旱明旱災成後得雨亦無及焉國

君而遭旱雖有不愛民事者何乃廢禮本不雩禱哉顧不能

致精誠也旱而不害物因以久不雨別之文二年十三年自

十有二月白正月不雨至于秋七月是也穀梁傳曰歷時而

言不雨文不閏雨也以文不憂雨故不如倍時書不雨文所

以不閏雨者素無志於民性退弱而不明又見時久無雨而

無災耳知不然者春秋主於垂教不主記事人君因旱而雩

書之所以示美以其重民事故也若但以得雨不得雨別書

豈聖人勸戒人君之意且既云國君遭旱雖有不憂民事者

何乃廢禮不禱雩矣何又言文不憂雨無志於民哉月令疏

云按春秋周七月八月皆書雩穀梁不譏成七年冬大雩穀

梁云無為雩是譏其冬雩春秋周之春及周之四月五月皆

無雩文春夏不雩雖旱不為修雩之祭其周季夏當有正雩

則龍見而雩是也按春秋桓五年秋大雩傳云書不時雩十
 一年秋八月大雩十三年秋九月大雩八年九月大雩傳曰雩
 六年秋大雩十七年秋九月大雩傳曰雩六年九月大雩傳
 曰雩昭三年秋八月大雩傳曰雩六年九月大雩傳曰雩
 年秋大雩十六年秋九月大雩傳曰雩六年九月大雩傳
 再雩傳曰雩二十五年秋七月大雩傳曰雩六年九月大雩
 年秋大雩傳曰雩二十五年秋七月大雩傳曰雩六年九月大
 冬不雨傳曰雩二十五年秋七月大雩傳曰雩六年九月大
 月雨傳曰雩二十五年秋七月大雩傳曰雩六年九月大
 十有二月不雨至于秋七月十年自正月不雨至于秋七月
 十三年自正月不雨至于秋七月十年自正月不雨至于秋七
 早有三雩有二十一都并有三十莊三十一冬不雨有七以
 冬時旱氣已過故不數雩二十一年夏大旱宜七年秋大旱
 二旱災成故不數雩二十一年夏大旱宜七年秋大旱宜七年
 再雩一雩不數定七年秋大雩亦一月再雩一雩不數定七年
 不數成七年冬大雩教梁云冬無為雩明亦不數三十事之
 中去此六事不數雩惟有一部也雩二年冬十月不雨雩三
 五年秋大雩說雩禮是一部也雩二年冬十月不雨雩三年
 正月不雨夏四月不雨說雩禮是二部也雩二年冬十月不
 十三年皆云正月不雨至于秋七月說旱而不為災是三部

也此三部總有七條於二十四去七條餘有十七條說早氣
 所由故鄭釋廢疾云春秋凡書二十四早考異郵說云分爲
 四部各有義焉是其事也凡正雩在周之六月常事不書書
 秋大雩傳不云早皆過雩也傳言早者皆爲早修雩也雩書
 月者爲修早之雩得禮故定元年穀梁傳曰雩月雩之正也
 秋大雩非正也按玉藻云至于八月不雨君不舉注云建子
 之月不雨葢建未乃始成災而雩二十一年夏大旱未至建
 未而爲災者若霧露霜滿壘中有苗雖歷時不爲災文二年
 十年十三年自十二月正月不雨至秋七月是也至八月不
 雨乃爲災若無霧露霜滿壘中無苗雖未至八月則爲災故
 僖二十一年夏大旱是也按孔穎達彼疏專據左傳穀梁爲
 說何氏所不取公羊義不雨卽爲異早則爲災災者後事而
 見異者先事而見故旱雩而不雨不雩或書雩或書旱者見
 人君之急民事否也無非勸戒有民者遇災而懼側身修行
 之意漢書五行志劉向以爲其夏旱雩祀謂之大雩不傷五
 穀謂之不雨亦通○注曰食至所爲○舊疏云諸言日食與
 大水皆鼓用牲也卽莊二十五年秋大水鼓用牲于社是也
 蓋但言鼓用牲于社無以知爲日食爲大水鼓用牲于社是也
 請雨爲也○注必見至急也○白虎通災變云天所以有災
 變何所以謹告人君覺悟其行欲令悔過修德深慮也援
 神契曰行有缺氣逆于天情感變出以戒人也知書雩者
 卽人君之能悔過修德憂民所見也繁露二端云因惡夫推

災異之象於前而圖安危禍亂於後者非春秋之所甚貴也
然而春秋舉之以為一端者亦欲其省天譴而畏天威內動
於心志外見於事情修身審己明善心
以反道者也是則春秋書雩之義也
何以書記災也注旱

者政教不施之應先是桓公無王行比為天子所聘得志益

驕去國遠狩大城祝丘故致此旱疏文二年自十有二月不

書記異也大旱以災書此亦旱也曷為以異書大旱之日短

而云災故以災書此不雨之日長而無災故以異書也此書

雩則早見故為災○注旱者至之應○漢書五行志云傳曰

言之不從是謂不艾厥咎僭厥罰愆陽說曰言上號令不順

民心虛譁憤亂則不能治海內失在過差故其咎僭僭差也

刑罰妄加羣陰不附則陽氣勝故厥罰常陽也類聚引洪範

五行傳云旱所謂常陽不謂常陽而謂旱者以為災也旱之

為言乾也萬物傷於乾而不得水也君持亢陽之節暴虐於

下興師旅動眾勞民以起城邑臣下悲怨而心不從故陽氣

盛而失度故旱災應也是政教不施即傳之號令不順民心
不從也○注先是至此旱○上三年春正月注云無王者以
見桓公無王而行也是桓公無王行也齊氏召南考證云前
後文勢當作無王而行各本脫而字耳比為天子所聘者即
上四年天王使宰渠伯糾來聘上天王使仍叔之子來聘是

也故春秋去二時以示貶以其得志益驕故也去國遠狩即
 上四年公狩于郎是也大城祝丘即上城祝丘是也正五行
 傳所謂勤衆勞民以起城邑者也類聚引五行傳又云魯桓
 公五年大雩旱也先是公弑君而立有自危之心而下有怨
 懟之氣外結大國取于齊以為夫人後比二年王使大夫來
 聘桓上得天子意下憑大國之心則有亢陽之應以御臣下
 興邢丘之役以勞百姓則臣下離心而不從故應是而秋大
 早按邢丘或祝丘之誤與何氏義大同疑亦董仲舒劉向等
 說非伏

蝶 唐石經諸本同釋文蝶本亦作蠶說文蠶
 或蠶字左傳穀梁作蠶後同蠶蝶字同

何以書記災也注蝶者煩擾之所生與上旱同說疏注蝶者

○漢書五行志云介蟲孽者謂小蟲有甲飛揚之類陽氣所
 生也於春秋為螽今謂之蝗皆其類也又云桓公五年秋螽
 劉歆以為貪虐取民則螽介蟲之孽也與魚同占劉向以為
 介蟲之孽屬言不從是歲公獲二國之聘取鼎易邑與役起
 城師古注二國宋鄭也按宋鄭無聘魯事疑當作公獲天王
 之聘也蝶為諸聲兼會意文三年傳注蝶猶眾也是也說文
 蝶部蠶也從虫冬聲引李巡云蠶蝶子也陸機云今人
 爾雅釋蟲蠶蠶詩疏引李巡云蠶蝶子也陸機云今人

謂蝗子為蚤子充州人謂之騰漢書文帝紀注今俗呼為蠶
蠶則自蚤聲之轉也杜預以蚤為蠶之屬按釋蟲又云蠶
蠶蟻與草蚤負蝨蟻蚤蟻蟻土蚤蠶類皆有蚤名故宣十
五年疏引李巡云皆分別蝗子與方之語也說文蚤蝗互訓
則蚤即蝗明矣類聚引佐助期云蚤之為蟲赤頭甲身而翼
飛行陰中陽也蚤之為言衆暴寡也又引五行傳云甲蟲有
甲能蜚陽之類陽氣所生於春秋為蚤今謂之蝗皆其類也
旱氣動象至矣故曰有介蟲之孽按蝗與旱相因而至旱或
無蝗蝗無不旱故此蝶與大雩連也詩疏引草木疏又云充
州人謂之騰騰即蟻釋蟲云食葉蟻左疏引李巡云言禾葉
者言其假貸無厭故曰蟻也方言蝶宋魏謂之登南楚之外
謂之地蝶或謂之蝶或謂之騰郭注即蝗也亦呼虺地按地
蟻即螞蟻其形如蝗而無王字時隱草際亦食苗葉而不為
害月令云百勝時起其國乃饑特言其甚鄭云騰蝗屬止舉
其似耳杜以為蠶蟻之屬按釋蟲重蠶蠶蟻左疏引方言云
春黍謂之蠶蟻陸璣毛詩疏幽州人謂之春箕春箕即春黍
蝗類也長而青股鳴者或謂似蝗而小班黑其股狀如璣瑁
又五月中以兩股相切作聲聞十數步爾雅又有土蚤蟻蚤
蟻光云皆蠶蟻之屬也左傳言凡物不為災不書則亦以書
者為記災也煩擾如遠狩城祝正皆是故何以為與上旱同
也說

冬州公如曹疏

水經注汶水篇又北過涑于縣西故夏后氏之

秋桓六年州公如曹傳曰涑于公如曹其城東北則兩川交

會也漢書地理志北海郡涑于應劭曰春秋州公如曹左氏

傳曰涑于公如曹臣瓚曰州國名也涑于公國之所都方與

紀要云涑于城在青州府安丘縣東北三十里公羊無說未

知此州即涑于否

外相如不書此何以書過我也注為六年化我張本也傳不

言化我者張本非再化也稱公者申其尊起其慢責無禮疏

穀梁傳外相如不書此其書何也過我也范云過我六年其

來是也有共末必先錄其本左傳以為涑于公如曹度其

國危遂不復非公羊義○注為六至化也○下六年寔來傳

云曷為謂之寔來慢之也曷為慢之化我也因明年有化我

之事故今冬書如曹見其過我以為化我張本也云傳不言

化我者謂此傳直言過我蓋此年如曹時或有假道之禮明

年回國時過魯無禮故春秋慢之而不言化我之故是其非

再化也其非不復其國明矣○注稱公至無責○舊疏云天子三公稱公王者之後稱公州國非此二者必非是公但今

過魯自尊若公故如其意書之曰公以起其無禮也但諸文

不知本爵是何左傳疏引服虔云春秋前以黜陟之法進爵
為公劉炫難云周法二王之後乃得稱公雖周公太公之勳
齊桓晉文之霸位止通侯未升上等州有何功得進公爵若
其爵得稱公上亦應廣安得留為上公地仍小國若地被兼
黜爵亦宜減安得地既削小爵尚尊崇此則理之不通者也
通義云繁露以為州公化我奪爵而無號然則公非其爵凡
諸侯託於諸侯不別五等壹以公稱之喪服經曰寄公為所
寓是也時州喪國失位已為寄公故不復錄其本爵州既小
國非王者之後又不自王朝來不嫌是三公也失地之君多
矣獨州公奪爵者君子為國以禮鄧侯穀伯能修禮來朝故
亦貴之州公無禮故亦慢之按孔氏牽合左氏以說公羊公
羊注明云州公過魯都不朝魯何知為失地之君也穀鄧朝
惡人猶書名以賤之而存其本爵州公
無禮何至尊其本爵失輕重之旨矣

皇清經解續編卷千二百終

子汝恭校字
常熟丁國鈞參校